

IMBA YAKO

 ...Ndinokuudzai, zvaizo—zvai...Ndinoziva kuti hamuuyeko kuzonzwa ini, munoona, nekuti hapana angatyaire pakareba zvakadaro kuti anzwe muparidzi. Munouyako nekuti mu—munotenda Mharidzo uye munotenda muna Kristu, uye ndinozviyemura izvozvo.

² Uye ndinotenda zvikuru kuva neshamwari dzakadaro, kuva nemumwe munhu ano—anoyemura kushingaira kwako—kwako, ndizvo zvamuri kuedza kuita, ku—kutyaira pakareba zvakadaro nemamiriro ezzvinhu iwayo. Chinhu chega chandinogona kutaura, ndinoshuvira kuti... Ndakaudza Meda, ndikati, “Hameno kuti tingakwanisa here kutora vanhu vese vanobva mamaira anopfuura 50, kumba kwedu, pakudya kwemasikati?” Maona? Handizive kuti tingaita sei navo, munoona, nekuti chikamu chikurusa chechechi yedu, ndinofunga, zvikamu 80 kubva mu 100 vavo ndimi vanhu, vanosanganisira kubva kuMississippi, Alabama, neGeorgia, nenzvimbo dzakadaro, kwamunobva. Uye munofunga...

³ Uye pane vanhu vanouya hapana vanhu vakapfuma, vanongova vanhuwo zvavo. Uye ndinoziva kuti zvinotorera kuchengeta mapeni enyu akawanda kuti muite izvozvo, nekuti ndinoziva kuti zvinotora peturu yakawanda zvakadii kuuya nekudzokera, uye kunze kweizvozvo kusakara nekupera kwezvinhu pamota, nekuti rwendo rwekuuya nekudzokera rwungangoita, oo, ndinofungidzira kuti mamaira 16-, 1,700 kuitira mharidzo 1, uye muchiuya vhiki rega-rega. Pafungei. Maona? Ndinongo, ndinonzwa kuva mudiki *zvakadai*, chokwadi, sekunge ndakareba hafu yeinji kuti ndimire pamberi penyu kuti ndinyatsokuudzai kuti ndi—kuti ndinozviyemura zvakadii.

⁴ Ini nemudzimai takanga tichitaura, dai imi vanhu maisauya pandinova ndine shumiro, tabhenakeri hayaikwanisa kundibhadhara kuti ndiende zasi, nekuti mune vakawanda vari mukamuri ino, iko zvino, kudarika vangavemo dai musiri imi vanhu, ichokwadi chaicho.

⁵ Uye zvinozadzisa zvakataurwa neGwaro kuti, “Munyika yedu chaimo, pakati pevanhu vedu.” Iwe... Ruremekedzo nerukudzo rwako—rwako nguva dzose rwunobva kune wekunze, Handizive kuti sei, asi, handisi kureva kunze-... Ndinoreva kubva kune vekunze kwemusha wako. Chokwadi, handingambofunga kuti imi mose muri vekunze, muri hama dzangu uye nevagari muHumambo hwaMwari.

⁶ Uye pano imwe nguva yapfuura, ndaiva negarwe diki rekare rakaiswa zvinhu mukati, zasi kuno, uye ndakaudza Hama Welch kuti ndaizouya kuzoritora. Uye vana havana kuzopedzisa

zororo ravo, zvino ndakafunga kuti ndichavamhanyisa zasi kuFlorida, zasi muSt. Petersburg mangwanani, uye zvichidzika zvakadaro, ndinoda kukwira ku Miami ndigouya neku Tamiami Trail, ndodzokera kumusoro kumba. Uye vanofanira kuenda kuchikoro pakare ipapo, zvino ndakafunga kuti iyi ingava nguva yakanaka yekuti timirepo tichitora garwe iri.

⁷ Zvino Hama Welch, uh, Hama Fred naHama Wood vakauya nen, saka zvaizonidipa mukana wekuunza vana, zvino vari kuzotora garwe rangu pakudzokera. Zvino ndakafunga, ndichiri zasi kuno, ndichangoda kuva ne... boka renyu duku pamwe chete, kuti ndikuudzei kuti ndinokuyemurai zvakadii, ndinoyemura kushingaira kwenyu zvakadii.

⁸ Uye Hama neHanzvadzi Evans, ne—neHama neHanzvadzi... Nda—ndazvibata, ndinopati S. T, ndinoziva kuti ndi T. S. Ini... Pane mu—mushonga wekukararadzisa, wekugezesu mukanwa wawanodaaidza kuti S.T.37, zvino ndiwo madaidziro andinokuitai kuti S. T. Kwete kubva... Uye chi—chinhu chakanaka zvakare, wakanakisisa, unokunda mimwe yese, pamaonero angu. Vanoushandisa kumauto, uye ndinoushandisa pane chero chinhu: kukararadza nawo, uye nekugezesu mazino, nekuenda nawo kunovhima, toti kana bhiza rangu rikakuvara, ndinodurura mushoma wawo, munoziva, chero—chero chinhu, wa—wakanakira zvese.

Ndinofunga, munovaonawo saizvozvo zvakare, hamudaro here, Hanzvadzi? Pane zvese hazvo, kusuka ndiro nedzimwe nguva nezvimwe zvakadaro.

⁹ Uye saka, ndafunga kuti zvime ndichakumbira manheru ano, ndati kuna Hama Welch, "Maizo...?" Tingatii kana vanhu vauya? Munofunga here...?" Tafunga kuti pamwe kana muine mubvunzo mudiki mupfungwa yenu, chinongovawo chimwe chinhu chidiki chamunogona, pamwe chimwe chinhu chandingagona kupindura, chimwe chinhu chausingade kuzotora, pamwe, nguva yavo kumusoro uko kutabhenakeri kana uriko, mumwe mubvunzo mudiki, uye ndizvo zvandauira nepano.

¹⁰ Saka, tinoziva kuti munoenda kubasa mangwanani. Dzava 09:10, saka tichapinda chaimo mairi. Asi tisati taita izvozvo, tingakotamisa here musoro wedu kuitira shoko remunamato?

¹¹ Baba vedu vari Kudenga, tinofara zvikuru nekuda kwaJesu Kristu, Ishe wedu, Uyo—Uyo akaponesa mweya yedu kubva kuhupenyu hwechivi, uye akatiita vagari vemuHumambo hwaKe, nenyasha dzaKe takaponeswa, uye kuti, kwete nekuda kwedu, kana nemabasa edu, asi netsitsi dzaKe takaponeswa, saka tinofara kwazvo nekuda kwazvo. Uye tinoziva kuti rimwe zuva tichaMuona, nekuti tichava nemutumbi wakafanana nemutumbi waKe iYe unobwinya, uye tichaMuona sezvaAri. Panguva ino, zvakadaro hatizive kuti izvozvo zvichaitika sei, asi

hazvisi kunesu kuti tizive, tinongotarisa kwazviri nekutenda, uye kufamba kwese uku kutenda. Saka, tinotenda nekuda kwezvinhu izvi.

¹² Tinonamata kuti Mugoropafadza vanhu ava, Ishe. Pandaityaira ndichidzika kuno, Munoziva zvaive zviri mumoyo yedu manheru apfuura, ini nemudzimai, tichikurukura tiri munzira. Kuti, izvo, mufaro wakadii watinonzwa kuva nawo, kunge tiine shamwari dzinozvipira kuuya kuzonzwa Evhangeri inobwinya yeMwanakomana waMwari, vanotyaira mazana emamaira ose aya pamasikati nehusiku, kuti vangonzwa mharidzo 1 chete.

¹³ Mwari, ndinonamata kuti Muvape, mumwe nemumwe, musha unobwinya muHumambo. Varopafadzei vachiri pano panyika, vapei kubudirira mune zvese zvavanoita, ngazvibudirire.

¹⁴ Uye vana vadiki ava, Ishe, vachingori vana vadiki nazvino, uye vazhinji vavo vari pano vari pazera rekuyaruka, uye zvakadaro vanogara neruremekedzo nerukudzo sevanhu vakuru, Mwari, ndinofunga kuti ndivo vakanakisia vari munyika, ndinonamata kuti Muvaropafadze, Ishe, dai vakasava nechero chinhu chavanoshaiwa, uye dai, muHumambo hukuru huri mhiri, kana mhuri yaungana yose pamwe chete, ndine chokwadi chokuti vachange varipo, Baba. Ndi—ndinonamata kuti Muve nemumwe nemumwe wavo ikoko, dai vakasambobva munzira iya huru, nhete yavakadzidziswa kufamba mairi. Zviiteiwo, Ishe.

¹⁵ Zvino manheru ano, ndafunga, Baba, tichaona zviri pamoyo yevanhu. Munoziva moyo yavo, uye ndinoKukumbirai, Baba, kuti Mundibatsire kupindura mibvunzo yavo, kuti zvitinakire, kuti zvitinakire kunge tiri pano, uye tigokwanisa kuenda mberi tichiti, “Moyo yedu haina kutsva here matiri, nekuda kweHupo hwaVo?”

¹⁶ Chiuyai zvino, Ishe, fambai muzvigaro izvi, isai ruoko rweNyu papfudzi rese, puruzirai ruoko rweNyu rune mavanga ezvipikiri pamoyo wese, kuti tigoziva kuti ndiVo Ishe vedu vari pedyo, nekuti tinozvikumbira, muZita raJesu. Ameni.

¹⁷ Ndinofunga tine bha—Bhaibheri pano, ndinongoda kuverenga gwa—Gwaro riri Muno, kwechinguvana bedzi, kuti titange zvishoma, tisati tapinda muchidzidzo, kana, mibvunzo, waro.

¹⁸ Uye izvi, ndinoda kuverenga izvi, nzvi—nzvimbo yandawana masikati ano. Ndanga ndiri kufamba nemota ndichikwidza, ndiri kufamba nemota naHama Welch neni, ndiri pachigaro chekumberi chemotokari yeHama Sothmann iyo, zvino ndaverenga chimwe chinhu, ndafunga kuti ndingada kutaura pamusoro pacho, kwemaminitsi mashoma chete, kana ndikakwanisa kuchiwana mune ravo... oo, hongu, hepanoi apa.

¹⁹ Muchitsauko 16 cheMabasa, uye kutangira inenge ndima 37.

Asi Pauro wakati kwavari, Vakatirova pachena...

²⁰ Ndiregerereiwo, hapasiripo chaipo pandiri kuda, pandanga ndichida kutanga kuverenga chaipo. Ndizvo...Ndanga ndichiverenga imwe nzvimbo apa, yango...Ndichaiwana munguva pfupi. Hepanoi apa, indima 29, ndima 28, ngatitangei.

*Asi Pauro akadanidzira nezwi guru, uye akati,
Usazvikuvadza: nekuti tiri muno tose.*

*Zvino ivo vakakumbira mwenje,...akamhanyiramo,
uye akauya achivvunda, ndokuwira pasi pamberi
paPauro naSirasi,*

*Uye akavabuditsira kunze, zvino akati,
Madzichangamire, ndinofanira kuitei kuti ndiponeswe?*

*Zvino vakati kwaari, Tenda kunaShe Jesu Kristu, uye
uchaponeswa, uye neimba yako.*

²¹ Unongova mumwe wemibyunzo iyi midiki yakati omei yandafunga kuti ndingada kutaura nezvawo kwechinguvana, pamusoro pekuti *Imba Yako*, zvichiva izvo kuti ndinokuonai, mumwe nemumwe, imba yenu yakarongeka, vana venyu—venyu vakaponeswa, uye—uye zvaka—zvakanaka kuva nemhuri yako vari Makristu vese, nekuti ini...isu—isu tinoda mhuri dzedu, isu, mumwe nemumwe, tinofunga nezvezvana vedu. Uye zvirokwazvo ndinogona kukurumbidzai imi vanhu vakanaka zasi kuno, nekuda kwevana venyu vakaisvonaka, kuti makavaisa sei vose mugwara rakanaka uye nezvose zvakadaro. Ini...

²² Makadii, Hanzvadzi? Uye ndinotenda kuti ava ndivo, handivo here, amai vachangopinda kumashure uko? Ishe vakuropafadzei, ndinofara kukuonai zvakare, manheru ano. Uye ndinotenda kuti ava mudzimai waHama Willie, handizvo here? Uye avo ndivo mukuru wemhuri ipapo chaipo, sekunzwisia kwandinoita, kuti, kana kuti, ndiwo mafambiro azvinoita kumba kwedu.

²³ Uye kuva neimba yako, zvino, Pauro akati pano, ku—kumukuru wezana wechiRoma, paakanga ari...Tinoona kuti Pauro akanga arohwa manheru anezuro wacho, zvarairwa nevatongi vedare, uye akanga arohwa, nekuti akanga asina chinhu chakaipa chaakanga aita, akanga ari kumusoro ikoko achiparidza Evhangeri. Zvino vafundisi ipapo vakapesana naPauro, nekuti akanga aparidza Evhangeri, uye vaiti ari kupidigura nyika.

²⁴ Zvino akadzika nemugwagwa uye paiva nemuuki mudiki, mudzimai aive nemwe—mweya wekuuka, zvino akanga akapiwa basa rekuuka. Zvino pavaidzika nemugwagwa, aidanidzira achitevera Pauro, zvino oti, “Vanhu vaMwari ava, vanotiudza nzira ye—yeHupenyu.”

²⁵ Zvino Pauro akanga asingade dhiyabhore kuti amubatsire pane chero chinhu, saka akangotendeuka ndokutsiura

mweya iwoyo waiva mumukadzi uyu, zvino pazvakadaro, oo, zvakakonzera zhewe-zhewe. Uye pavakazviziva, kuti mwe—mweya wakanga wabva paari, uye akanga asisakwanise zvachose kuuka.

²⁶ Saka, uyo—uyo akanga akamupa basa kunze uko, uye zvichida achitomuchengeta, handiti, zvikakonzera zhewe-zhewe rakakura, zvino vakarohwa ndokuiswa mujeri. Uye ndinogona kuona Pauro naSirasi vakarara mujeri rekare rizere netsikidzi mukamuri dzemukati, kumashure-shure. Kunze kwacho, kwaichengeterwa vasungwa vakanakisisa vacho, kwainge kwakashata kwazvo, asi ava vakanga vari mukati chaimo, uye pavakaenda mukati-kati, vakaiswa muzvitokisi.

²⁷ Handizive chero... Mese makamboona zvitokisi here? Ndkava nemukana wekuzviona, ivo—ivo vaizviisa mune dzako, zvakachinjika patsoka dzako, uye zvakare vozviisa zvakachinjika pamaoko ako, zvakare vozviisa zvakachinjika pamutsipa wako, zvino hezvoka wakangogara ipapo.

²⁸ Uye murango werufu wemaChaina, maitiro avaizviita, waive nehutsinye hwakanyanya, vaivaisa muzvitokisi izvi vodonhedzera donhwe remvura, donhwe 1 bedzi panguva imwe, richiwira panhongonya pemusoro wavo, saizvozvo, kusvikira zvangovaita kuti vapenge. Vaigara ipapo uye vasingavape chekudya kana chokunwa saizvozvo, uye maziso avo—avo apinduka nezvose, chaingova, chinhu chakaipa kwazvo.

²⁹ Vanoti madonhwe mashoma ekutanga, honguka, pada kwezuva reketanga, hazvina kunyanya kushata, asi vanoti mushure memazuva mashoma, kuti madonhwe iwayo anonzwika sematani 50 ari kudonha, munoziva, nguva dzese, achirova panzvimbio imwe chete iyoyo, nekuti haugone kufambisa musoro wako, uri muzvitokisi izvozvo.

³⁰ Zvino chingofungai kuti Pauro naSirasi, nekuda kwekuparidza Evhangeri, vainge vakarara munzvimbio iyoyo yekare ine tsvina, uye zvichida makonzo, nembeva, netsikidzi pavari, nezvimwe zvose. Inzvimbo yakadii kumurume ari kuparidza Evhangeri! Zvino isu tinofunga nhasi, kuti tinonyunyuta nekuti tine zvinhu zvakatii omei zvishoma; tarisai zvavakaita ava, uye vachiziva zvakanga zvakavamirira, pamwe kuurayiwa mangwanani acho anotevera.

³¹ Asi vakanga vakatendeka, ivo—ivo vaiva... vakaramba vakatendeka. Zvino kunge pakati pehusiku imomo, uye ndinogona kungofunga kuti vanofanira kunge vakanzwa sei, misana yavo yakanamatira kutsvina yekare uko vasungwa, uye akanga ari maperembudzi nezvimwe zvose zvakanga zviri mumazuva iwayo, uye vakazvambarara pauriri hwakaomarara hwekare, hunogona kunge hwaiva uriri hwevhuhu, makonzo achimhanya nepamusoro pavo.

³² Asi pakati pezvoze izvozvo, pamwe vasina kuwana kudya kwemanheru, uye varohwa kusvikira vave kubuda ropa, uye vakuvadzwa, uye vakazvimbba, pasina chiremba anosuka maronda, kana chimwe chinhu kuitira hutachiona chatingashandisa isu nhasi, kana chimwe chinhu chakada kudaro, vakangovakanda kumashure ikoko, vakavaisa muzvitokisi, ndokuvaisa muchinhano ichocho, asi vakanga vasiri kunyunyuta. Hapana kana shoko 1 rekunyunyuta rakabva kwavari, uye vachiziva, pamwe mangwanani aitevera, vaizo, vatongi vemumatare zvichida vaizovadaidza pamberi pamambo uye kana vadaro, kana kuti, Sanihedhirini, uye vaizourairwa kuparidza dzidziso iyi yakatsauka, izvo zvayaaidaidzwa mumazuva iwayo, Evhangeri, iyo isu chokwadi, tinonyatsorwira kutenda kumwe cheteko nhasi.

³³ Uye zvakare kana tatanga kufunga nezvazvo, zvino chinhambwe chinobva chati pfupikei pakati pedu, munoona, nguva imwe neimwe yatinotanga kufunga nezvazvo.

³⁴ Uyezve tinozoona kuti panenge pakati pehusiku, Pauro naSirasi vanofanirwa kunge vaitaura nezvaShe kusvikira panenge pakati pehusiku, ndokubva vatanga kuimba nziyo, rumwe rwiyo rwakanaka rwekare rweChikristu. Oo, dai taiimba nhasi, taizoimba *Mune Simba Muropa*, kana kuti Oo, *Ndinomuda Sei Jesu*, kana rumwewo rwakadaro. Zvino pavakatanga kuimba, kamwe-kamwe, kundengendeka kwenyika kwakarova nzvimbo yacho. Uye cherechedzai maitikiro azvakaita, panzvimbo yekututira madziro echivakwa chikuru chekare ichi pavari, uye navo... nekuvapwanya kusvika vafa, kwakazunguzira madziro kubva pavari, uye kwete izvozvo chete, asi zva—zva—zvakadambura zvitokisi nembariro zvikasununguka kubva pavari, zvino vakasunungurwa.

³⁵ Zvino fungai, pamusoro petsoka dzavo, pamusoro pamaoko avo nepamusoro pemitsipa yavo vakasunungurwa, vese zvavo. Uye panzvimbo yekuti torongo guru iroro rakare, rinorema rechiRoma riwondomokere pavari, rakawira kure navo, *sezvizvi*, uye kwete izvozvo chete, asi ngetani nezvinhu zvakadonha zvichibva pavari. Munoona, ndivo Mwari vedu apo patinoramba takatendeka. Munoona, tinofanira kugara takatendeka. Uye chero bedzi isu takatendeka uye—uye pane...

³⁶ Isu, zvino, tinogona kunge tisiri mumamiriro echinhando ichocho, isu, hapana mumwe wedu anogona kusvikapo, ndinovimba hatizosvika pakadaro, asi tinogona kutendeka mune izvo zvatinofanirwa kupinda mazviri, izvo zvatinofanira kupfuura nemazviri, pamwe kutambudzwa, pamwe mumwe munhu anokuseka, pamwe mumwe munhu anoti, “Uri wechinyakare, uri muumburuki mutsvene,” kana—kana chero chavangada kukudaidza, kana kuita dambe newe, kana chimwe chinhu, ngatingotendekai zvakadaro, nekuti Mwari vanoremekedza kutendeka kwedu kune izvozvo, zvime

chetezvo sezvaVaiva, vakaremekedza kutendeka kwavo kune zvavakanga vari... zvavaifanira kupfuura nemazviri.

³⁷ Zvino ipapo, kamwe-kamwe, apo musungwa wechiRoma, kana kuti, mukuru wezana anofanira kunge—anofanira kunge, murindi wepamukova, anofanira kunge akafunga kuti, husiku ihwohwo, Pauro naSirasi pavakanga vachitaura pamusoro peMagwaro, anofanira kunge akadzidza chimwe chinhu, nekuti akanga asingavazive varume ava, asi anofanira kunge akaziva neimwe nzira, kana kunzwa kuimba kwavo, kana chimwe chinhu, zvakamuita kuti azive, nekukasika chaiko, kuti vakanga vari varume vatsvene.

³⁸ Nekuti munooona, ivo... akanga ari muRoma, uye vakanga vari maJudha, zvino iye akanga ari muhedheni, uye ivo vaiva Makristu. Asi macherechedza here, paakangoziva kuti paive... kuti tirongo rakanga razunguzirwa pasi, uye achiziva kuti aifanirwa kuzozvipindurira.

³⁹ Murindi wechisoja, munorangarira munguva yaEria here? paainge akazvivanza huso kuti asazivikanwe ndokusangana naMambo Ahabhu kunze uko, akati iye, “Ndanga ndiri murindi wechisoja zvino hupenyu hwangu, chokwadi, hwanga hwakabatanidzwa nemunhu uyu zvino iye atiza.”

⁴⁰ Uye—uye akati, “Manjeka, iwe uchazvibhadharira, zvino, nehupenyu hwako, ndiro basa remurindi.” Saka akazvisunungura ndokuti akanga ari Eria muporofita, ndokuti, “Warega mambo achienda, Agagi.” Uye akati, “Ucha—uchazvibhadharira nehupenyu hwako pachako,” uye akazozviita.

⁴¹ Saka zvino, tinoona kuti mukuru wezana wechiRoma uyu, achiziva kuti aizodavirira ava nehupenyu hwake pachake, akavhomora munondo wake paakangoona kuti vaenda, uye akatanga kuzviuraya, kutora hupenyu hwake pachake, pane kuti apinde nemukurangwa. Zvimwe zvacho...Pamwe vaizomugarisa muzvitokisi zvemhando imwe cheteyo, nezvimwe zvakadaro, kusvika afa, saka akafunga kuti aizongozvipedza vzose, ndokuvhomora munondo wake, kuti azviuraye.

⁴² Asi nekukurumidza, Pauro akadanidzira paakazviona, ndokuti, “Usazvikuvadza, nekuti tese tiri pano.” Maona? Zvino murume uyu akabva acherechedza kuti...Panofanira kunge pane chimwe chinhu chakaitika izvi zvisati zvaitika, chakaita kuti murume uyu azive kuti ava vaiva varume Makristu, kana kuti vanhu vatsvene, nekuti nekukurumidza akawira pasi patsoka dzavo.

⁴³ Ndinofunga kuti akavanzwa vachiimba nziyo, akavanzwa vachipupura, akanzwa hurukuro yavo. Zvino, ngatingofungai kwechinguvana, shamwari, kana mukuru wezana iyeye wechiRoma akagutsikana akabatikana nekuti akanga anzwa varume 2 ava, vasungwa vakanga varohwa, zvino, isu

tichakasununguka, uye hatina kurohwa kana kuva vasungwa, asi kunzwa chapupu chavo kwakava nerunziro huru, kusvikira zvakamuita iye kuti ati, “Chii chandinofanira kuita kuti ndiponeswe?” zvino chii chatinofanira kuita nerunziro yedu? Maona? Tinofanirwa kunge tichipupura.

⁴⁴ Imi vechidiki, chero zvazvingava, unogona kusaparidza, zvichida Mwari havana kumbokudana kuti uparidze, asi iwe, kana uri mudzimai wepamba, kana chero zvauri, wezera rekuyaruka, ngatiitei chimwe chinhu, munoziva, izvozvo, uye worarama hupenyu hunoita kuti vanhu vati, “Asika, uyo—uyo Mukristu ari kuenda uko, uyo—uyo Mukristu.”

⁴⁵ Uye saka, tinoona kuti murume uyu anofanira kunge akafadzwa neimwe nzira, nenziyo idzodzo kana nechero chipi zvacho chavaiita imomo, kuti acherechedze kuti vaive Makristu. Saka akatora chiedza, uye paakapinda ndokuona kuti hapo pakanga pamire Pauro, uye kunyange vasungwa kumashure imomo, hapana mumwe wavo aiedza kutiza, munhu wese ainge aripo, saka iye—iye akadzorera munondo wake, akawira pasi patsoka dzaPauro naSirasi, ndokuti, “Madzichangamire, ndoita sei kuti ndiponeswe?”

⁴⁶ Zvino, macherechedza here, iwe neni nhasi, nevashumiri vazhinji vose, kana vamwe vakadaro, tiri kugara tichiedza kuudza mumwe munhu zvinhu zvekusaita, taizoti, “Zvino siya kuputa kwako, siya kunyepa kwako, siya kuba kwako, siya *izvi* zvako, kana *izvo*.” Zvino, izvozvo—izvozvo handizvo zvakabvunzwa nemurume uyu, iye—iye haana kuti, “Chii chandinofanira *kurega* kuita kuti ndiponeswe?” Akati, “Chii chandinofanira *kuita* kuti ndiponeswe?”

⁴⁷ Munoona, tinoedza kuvaudza zvavanofanira *kurega* kuita. Maona? Uye kuti, “Zvino, ndinofanira kuita *izvi*, *izvo*, kana *zvimwewo*.” Kwete, munoona, handiwo mubvunzo wachos. “Ndoita sei?” kwete kuti “Chii chandinofanira *kurega* kuita?” Asi ingoita zvaunofanirwa kuti uite, uye zvime zvese zvinozvigadzirisa zvega, kunyepa kwako, kuba, kana—kana kunwa, kutamba njuga, uye nekuita zvinhu zvakaipa, zvinomira kana ukaita zvakapindurwa naPauro pamubvunzo wake: “Chii chandinofanira kuita kuti ndiponeswe?”

Akati, “Tenda kuna Ishe Jesu Kristu, uye iyewe, neimba yako muchaponeswa.”

⁴⁸ Zvino, chikonzero ndafunga nezvekutaura *izvi*, nekuti imi vanhu vari pano, vazhinji venyu, vana venyu—venyu vakaponeswa, munoona, ivo Makristu. Ndakayemura mhuri yeHama Evans, majaya aya pano. Kazhinji, ndiani waungawana wezera rekuyaruka, anogara pasi achiteerera mumwe munhu, muparidzi achitaura? Handiti, vanenge vabuda uye vaenda kumwe kunhu, vasikana vadiki vakadaro.

⁴⁹ Ndakati kuna Hama Fred, vana vavo, handiti, va—vanogona kungondinzwa ndichitaura chinhu 1 chakashata, vaka—vaka—vakagadzirira kuzvimisa iko zvino, munona; uye vogara neruremekedzo rukuru, pane kunge vari kunze vachimhanyisa mota, vachingotenderera-tenderera. Vacha, pavanokunzwu uchitaura pamusoro peEvhangeri, vakagadzirira kugara ipapo chaipo vachiteerera. Maona?

⁵⁰ Zvino, ndinoziva kuti tose tinoda...tinofunga kuti vana vedu vapanduki nezvime we zvakadaro, asi isu—isu tinofanira kurega izvozvo, ndi—ndinotenda kuti tinofanira kuyeuka kuti vana ava ndivo vana vakakanisisa pasi rose, nekuti vana vedu, uye tinovatora nekuvaisa kuna Mwari.

⁵¹ Zvino, ruponeso rwako haruzoponesa mwana iyeye, asi zvino, Pauro akati, akati, “Tenda kuna Ishe Jesu Kristu, uye yako, neimba yako ichaponeswa.” Zvino, iye...Zvino, airevei naizvozvo? Akanga asingareve kuti nokuda kwekuti vakanga vaponeswa, kuti saka imba yavo yaizoponeswa nazvo. Aireva izvi: kuti nekuti vakanga vari...vaiva...kana aiva nokutenda kwakakkana kwekuti aponeswe iye pachake, huwandu humwe chete hweketenda kwaiva nako achizviitira iye, hwaizoshandawo kuvana vase. Munona zvandiri kureva?

⁵² Zvino, ndine vana vangu, *hoyo* mwanakomana wangu mudiki, Joseph, Billy, Sarah, Rebekah, saka zvino, ndinoda kuona mumwe nemumwe wavo ari mushandi muEvhangeri, achiita chimwe chinhu, ndinoda kuvaona vakaponeswa uye vakazadza neMweya Mutsvene.

⁵³ Zvino, ndakavakumikidza kuna Mwari ndichiti, “Ndakabatirira pana Mwari kuitira ivo.” Maona? Uye ndinotenda kuti vachaponeswa, mumwe nemumwe wavo. Maona? Ndinotenda kuti vachaponeswa, uye ndichava navo kune rumwe Rutivi. Uye—uye handitendi kuti ruponeso rwangu rwuchavaponesa, kwete, asi kutenda kwangu muna Mwari ndiko kuchazviita, munona, kutenda kwangu, kutenda kuti Mwari vachazviita, uye kuchavaita kuti vauye kuna Kristu.

⁵⁴ Uye ndinotenda kuti ndipo apo imi vanhu, muchinamatira vana venyu, uye ndicho chikonzero vana venyu vaine tsi-tsika, uye—uye *mudzimai* chaiye uye *muchinda* muzera rino rekupengereka ratiri kurarama mariri, zvakadaro vane chikamu ichocco—ichocco pamusoro pavo chinova chakanakisisa chandinoziva chechero vana vapi zvavo. Maona? Zvino, ndinofunga chikonzero chazvo imhaka yekuti minamato yenu yamunovaitira, uye makavakumikidza kuna Mwari uye makabatirira.

⁵⁵ Munona zvino, muRoma uyu akati, “Ndoita sei?” Akangozvibvunzira iye pachake, akati, “Ndoita sei?”

Zvino akati, “Tenda kuna Ishe Jesu Kristu, zvino iwe, neimba yako muchaponeswa.” Maona?

⁵⁶ Zvino, zvino, tine chinhu 1 chekuita. Ngatidzokei kumashure kwechinguvana kuti titore chimwe chinhu chekurovedzera pachidzidzo changu, zvino, ndeizvi: Ngatitorei mutana wandinoziva nezvake muBhaibheri anonzi Jobho.

⁵⁷ Zvino, Jobho aive murume akakurumbira, kwakanga kusina mumwe munhu akafanana naye mumazuva ake. Jobho aiva muporofita, uye vanhu vaibva kure nededyo kuti vazonzwa Jobho. Zvino Mwari vakamuropafadza, uye akanga, akanga akabudirira, aiva munhu mupfumi, oo, aiva nezviuru zvemombe nemakwai, ne—nezvinhu zvaakanga anazvo.

⁵⁸ Uye, handiti, akati paaibuda achienda mumigwagwa, machinda madiki eKumabvazuva, vanova Vanzveri vemuchadenga, vanzveri venyeredzi vakachenjera, munoziva, vaiti...vakati vaitopfugama mberi kwake kuti vangobvunza shoko rimwe rehuchenjeri hwake. Maona? Aive murume akatesva njere, akanga—akanga ari muporofita.

⁵⁹ Uye saka, dhiyabhore akatarisa pasi, zvino akaona kuti—kuti Jobho akanga ari murume akatesva njere. Saka ndichakuratidzai kuti murume ane huchenjeri anoita sei. Zvino, tichidzoka kumusoro wenyaya *Iyewe, NeImba Yako*. Jobho akati, paakaona zvinhu zvose zviri mugwara rakanaka, sezvakaita dzimba dzenyu zvino, akati, “Munoziva, vana vangu vakaroora uye vakaenda, asi,” akati, “pamwe, mumwe wa...zvimwe mumwe wavo anogona kunge akatadza.”

⁶⁰ Zvino, paiva nechinhu 1 chaidiwa naMwari, chaiva chipiriso chinopiswa. Akati, “Zvino, handi...” Aisatenda kuti vana vake vakatadza, asi akati, “Zvimwe vangatadza, nekuti vari kushanyirana, uye vachienda kumapati kudzimba dzemumwe nemumwe,” nezvimwe zvakadaro, nekusangana, ndinofungidzira, nezvimwe zvakadaro. Akati, “Kana mumwe wavo akatadza, saka, Ishe, ndinounza chipiriso chinopiswa, ndopirisa nekuda kwemwana wangu chipiriso chinopiswa ichi.” Maona? Uye ndizvo zvega zvaaiziva kuita, ndizvo zvega zvaidiwa naMwari, chipiriso chinopiswa, ndizvo, zvega zvaVaida.

⁶¹ Saka, zvino nguva huru yepakati pehusiku payakasvika ikarova, zvino Jobho mutana anonzwisa urombo akanga ari muchinhano chaakanga ari, iye, munoziva, akarasikirwa nemombe dzake dzese, makwai ake ese, zvino matutu akauya, ndokuuraya vana vake, moto ukapisa varanda vake, uye—uye iye aka... hutano hwake pachake hukakundika, zvino akagara kuseri kwemba padurunhuru, uye—uye muviria wake iye ukabuda mamota, kusvikira akatora chimedu chehari ndokukwenya mamota ake. Uye kunyang'e mudzimai wake akaora moyo naye ndokuuya akati, “Jobho...”

⁶² Zvino, ngati—ngatingofungai nezvematauriro akaita mudzimai uyu. Zvino, tarisai hepano pagere Jobho, akagara kunze uko husiku hwese. Hapo pagere vanyaradzi vake

nemisana yavo yakamufuratira, uye vamuudza kuti akatadza. Ndiyo nhengo yechechi, ndiro bo—boka remadhikoni, kana chero zvazvingava zvechechi, vakadzika kuzomuona. Zvino vakagarapo mazuva 7, uye vachingomuudza kuti, “Jobho, itoreurura hako, nekuti wakatadza, nekuti Mwari havangatendere munhu akarurama kuti atambudzwe zvakadai.”

⁶³ Asi Mwari vanorega munhu akarurama achitambudzwa saizvozvo. Munona, Mwari, dzimwe nguva kuti—kuti zvinhu zvinoitika kwatiri nekuti tinenge tataadza, asi dzimwe nguva ku—kuyedza mutsvene, panzvimbo yekuranga mutadzi.

⁶⁴ Asi, tinoona kuti Jobho akanga ari murume akarurama zvachose, uye Mwari vakanga vachimuyedza, nekuti Satani akati, “Oo, chokwadi...” paakakwira pamberi paMwari nevanakomana vaMwari. Akati...

Nekuti Mwari vakati kwaari, “Wanga uri kupi?”

Akati, “Oo, kungofamba hangu kuenda nekudzoka, nekukwira nekudzika panyika.”

⁶⁵ Vakati, “Waonawo here muranda wangu Jobho? Murume akakwana, hapana munhu akafanana naye panyika.” Mwari vakafadzwa nazvo. Oo, Vanongoda kuva nemuranda waVanogona kuvimba naye. Vakati, “Hakuna mumwe munhu panyika akafanana naye.” Maona? Vakati, “Iye munhu akakwana.” Zvino ndeapo Ropa raJesu Kristu risati radeurwa. Maona? Zvino Vakati, “Munhu akakwana, akarurama, akatendeka, hakuna akafanana naye.”

⁶⁶ Satani akati, “Oo, chokwadi, tarisai zvaMakamuitira: Makamupa zvese, ane misha, ane vana, ane mombe, ane zvese zvaanoda. Chokwadi, chero ani zvake anogona kuKushumirai saizvozvo.” Akati, “Regai ndingova naye nguva imwe, ndinomuita kuti aKutukei kumeso kweNyu.”

⁶⁷ Vakati, “Satani, ari muruoko rwako, asi usatora hupenyu hwake.” Zvino, ndiko kwaiva kuvimba kwaMwari kwekuti muporofita waVo haaizoVakundika. Maona? Uye Vari kuvimba newe nenii, kuti tisaVakundike.

⁶⁸ Uye zvakare iVo, zvino Vakati, iVo, “Usatora hupenyu hwake.” Satani ndokuita zvese *kunze* kwekutora hupenyu hwake. Vana vake vakaurayiwa, uye mombe dzake dzikaurayiwa, uye zvose zvaiva...hupfumi hwake hwese hwakarasika, uye akarasikirwa nehutano hwake, nezvose kunze kwehupenyu hwake, akagara kunze uko achipara mamota ake.

⁶⁹ Mudzimai wake ndokuuya kumukova, uye—uye Satani akapinda maari ndokuti, “Iwe...” Akatarisa kunze uko, akati, “Wadii watuka Mwari ufe hako?” Akati, “Uri kutaridzika zvinonzwisa urombo kwazvo.”

⁷⁰ Akati, “Iwe unotaura semukadzi benzi.” Maona? Zvino, haana kumbotaura kuti aiye benzi, akati aitaura semumwe.

Maona? Akati, "Unotaura semukadzi benzi." Akati, "Ishe vakapa, uye Ishe vakatora; ngarirumbidzwe Zita raJehovah." Maona? Nemamwe mashoko, "Ndakauya munyika ndisina kupfeka," akati, "ndichadzokera ndisina kupfeka; asi ngarirumbidzwe Zita raJehovah zvakadaro. Handina kumbova nechinhu pandakauya pano, uye ndichaenda ndisina chinhu; asi zvakadaro Zita raJehovah ngarirumbidzwe." Oo, ini zvangu!

⁷¹ Munoziva, Mwari vanongorega Satani achitiedza *kwenguva yakatarwa*, zvino Vanobva vazofinhikana nazvo, munoona. Saka, akaona kuti aigo... Satani akatozomusiya ipapo. Asi Bhiridhadhi navose vakaramba varipo uye vakati, "Handiti, wanga uri mutadzi muchivande."

Asi Jobho haana kutsukunyuka pane izvi: "Handisi mutadzi." Maona?

⁷² "Jobho, wanga...uri kuita...hausi kuda kuzvireurura," munoona, "nekuti uri mutadzi muchivande, uri kuzuviita muchivande, uye Mwari vari kukuranga nekuda kwazvo, saka ndicho chikonzero zvinhu zviri kukufambira nenzira yazviri."

⁷³ Asi akati, "Kwete, Changamire, handisi mutadzi ini." Nekuti akanga amire asingatsukunyuke pakururama ikoko kwaMwari, chipiriso chinopiswa chiya, akanga achipirisa. Ndizvo zvega zvaafanira kupirisa, ndizvo zvega zvaaidiwa naMwari.

⁷⁴ Uye macherechedza here, mushure mekunge Mweya waMwari wauya pamuporofita uye zvinhu zvese zvanaka, munoona, Mwari vakadzoreredza chii kuna Jobho? Vakadzoreredza kwaari zvake... apo paaiva nemombe 10,000, Vakamupa mombe 20,000; paaiva nemakwai 40,000, Vakamupa makwai 80,000. Maona? Uye Vakamudzoreredza zvese zvaakambova nazvo.

⁷⁵ Uye cherechedzai, Rakati, "Zvino Vakadzoreredza vana vake 7." Maona? Vakapa kuna Jobho vana vake 7. Kwete, kumupa vamwe vana 7, asi Vakapa Jobho vana vake 7. Zvino, chaiva chii? Imba yake, "Iyewe neimba yako." Nekuti akanga akarurama, nekuti akanga amire pazvinhu zvese zvatakapiwa naMwari kuti tive vakarurama, kana kuti, kumupa iye kwaiva kupa chipiriso ichocco chinopiswa.

⁷⁶ Uye akaziva kuti iRoro rakanga riri Shoko raMwari, uye Raisakundika. Zvino, makambofunga here kuti vana ava vaivepi? Vakanga vari Kudenga vakamumirira. Maona? Anavo nhasi. Zvino Mwari vakaponesa vana vaJobho, vakanga vari Kudenga vakamumirira. Maona?

⁷⁷ Zvino, kana Jobho akaita chinhu chaicho icho Mwari vakamuudza kuti aite, chinhu chega chaive chekuti ave akarurama, kwaiva kupa chipiriso chinopiswa, chakanga chakarurama, zvino Vakaponesa Jobho neimba yake, zvino kururama chii pamberi paMwari? "Tenda kuna Ishe Jesu Kristu, uye iyewe, neimba yako muchaponeswa."

⁷⁸ Saka, kana ndiri kutendera imba yangu uye iwe uchitendera imba yako, nekuzvitenda, kuti tinovimba naMwari, Mwari vanoisa kutenda kwedu, sezvaVakaita Abrahama, kana Jobho, kana chero ani wavo sekururama, munoona. Saka kwakanzi kwatiri kururama, uye ndiwo maitikiro ekuti “Iwe, neveimba yako muchaponeswa.”

⁷⁹ Oo, ndinofunga kuti chinhu chinoshamisa. Saka zvino, kwete izvozvo chete, asi ndiri kutendera munin'ina wese, vanin'ina vangu vese, hanzvadzi yangu, handisi kungotendera ivo chete, asi ndiri kutendera munhu wese ari muchechi yangu, ndiri kukutenderai imi mose, ndinoda kuti munditenderewo ini, nekuda kwekururama kweketenda. Hatifanirwe kuti tiite chipiriso chinopiswa, Kristu ndiye Chipiriso chedu. Asi tinofanira kuva nekutenda muchipiriso ichocco chakaitwa naKristu, kuti chaAkatiitira mhando yakadai yevi—vimbiso, kuti “Chipi nechipy chamunokumbira kuna Baba muZita raNgu, ichocco Ndichachiita. Pamunonamata, tendai kuti magamuchira zvamakumbirira, uye muchazwiwana.”

⁸⁰ Zvino, kana ndiri kunamata kuti Mwari vachaponesa vana ava vezera rekuyaruka, uye ndinotenda nemoyo wangu wese kuti Vachazviita, munoona kuti ndiyo nzira imwe chete yakamirwa naJobho. Kuti, “Oo, honai mwana *uyu*, zvaari kuita.” Handina basa nezviri kuitwa nemukomana iyeye kana musikana iyeye, ndichingori ndakaisa mwana iyeye muruoko rwaSamasimba uye neyangu, “ini, neimba yangu tichaponeswa.” Maona? Nekuti ini... .

⁸¹ Kunyange ndikatungamira vasati vaenda, asi neimwe nzira, vasati vabva pano, Mwari vachavadzosa zvakana, zasi munzira, ndi—ndinozvitenda, *neimwe nzira* Vachaita kuti zvinge zvichivashaisa mufaro kwazvo, kusvikira vazozviita. Maona?

Uye ndiyo nzira yandinotenda nayo, kuti ndizvo, “Iyewe, neimba yako muchaponeswa.”

⁸² Ndakaona vakawanda vaka... .Ndakatarisa avo vakauya mumisangano yangu. Nguva zhinji, mukomana wekare anouya kumusoro ikoko anga akakwasharara kwehupenyu hwake hwese, iye, anowira pasi namabvi ake otanga kuchema, osimuka, oti, “Asika, ndaive naamai vekare vanodikanwa, oo, kana vari Kudenga manheru ano, ndinoziva vakatarisa pasi, uye vari kufara kundiona ndiri paartari ino.”

⁸³ Maona? Chii ichocco, mai vakare ivavo vakanamata uye vakatenda. Munoono, vakaenda karesa, asi heino minamato iya, nekuti kururama kuya, tarirai, “Iyewe, neimba yako muchaponeswa.” Mwari vanoziva mashandiro acho, Vanoziva maitirwo, Vanoziva maitiro ezvinhu zvese nemazvo.

⁸⁴ Sezvandakataura rimwe zuva, kana taberekwa neMweya waMwari, Mwari havana hutera pane imwe nzvimbo vova vakasimba pane imwe nzvimbo, kana uine kamumvuri kadiki

kaMwari mauri, kadodzi kadukusa kaMwari, zvino une simba rese, une simba rakakwana mauri rekusika imwe nyika uye ugoenda kunogara mairi. Asi, chokwadi, simba iroro rinotungamirwa nekutenda, kana raisava, tose tingadai tine nyika iri kunze uko, tichigara mairi. Asi kana uri mwanakomana waMwari, kana mwanasikana waMwari, une simba raMwari mauri. Maona? Saka zvino, iwe... Murawo iwoyo unobata kutenda ikoko kune *chimwe* chinhu.

⁸⁵ Zvino, ngatitorei semuenzaniso, isu tese, tingati, takambonyepa pane imwe nguva, taiba, tai-taituka, uye nokupika, nekuita zvose zvakaipa. Asika, rimwe zuva patakagamuchira Kristu, chii chaAkaita? Akazarura, patakangoMugamuchira; izvi ndezvekutenda, sezvakangoita Pauro akaudza muRoma kuti ave nako, kutenda, chaizvoizvo zvakaitwa naJobho, kutenda. Maona? Uye patakangogamuchira Kristu seMuponesi wedu, pakarepo takabva tagamuchira kutenda kwakakwana, kusvika tafamba tichienda, pasisina kunyepa, pasisina kuba, pasisina kubiridzira. Maona? Kwete. Sei? Takakwira pamusoro chaipo pechivi ichocco chataimbotasva machiri; isu—isu takagoverwa kutenda kwakawanda kwazvo kubudikidza nazvo. Sei? Nekuti tinotenda kuti takaponeswa. Ndizvo here? Tinotenda pano kuti takaponeswa, saka zvino tinotasva pamusoro pacho, nekuti tinotenda kuti takaponeswa.

⁸⁶ Zvino, teerera kune izvi ndisati ndasvika kumibunzo. Maona? Hama, hanzvadzi, ndichakupai chakavanzika chidiki pamusoro pangu. Maona? Ndinofunga munoshaya kuziva kuti ndinoona sei zviratidzo izvozvo nezvinhu, chinozviita. Imhaka yekuti paakasangana nenii husiku huya, uye akandiudza kuti, munoona, kuti izvi zvaizoitika, ndinozvitenda, ndinozvitenda zvakaperera.

⁸⁷ Uye ndinoenda kunonamatira vanorwara, kana ndikakwanisa kuva nemanzwiro ekuti chimwe chinhu chiri kuda kuitika, vari kugadzirira kuzopora, saka nguva dzese, zvinenge zviri izvo chaizvo. Uye ndiyo nzira yatinofanira kuita nemhuri yedu, nechero chinhu chatinokumbira, tinofanira kunamata, uye Mwari vanoremekedza kutenda, munoona, kuzvitenda, tinofanira kutenda kuti ndizvozvo.

⁸⁸ Zvino, nekahushoma ikako kaMwari, pawakati iwe, "Hongu, Ishe Jesu, ndiri mutadzi, handina kukodzera rudo rweNyu, asi Makandida saka ndinoKugamuchirai seMuponesi wangu." Pakarepo, unofamba chaiko uchibuda kubva ipapo, zvino chii ichocco? Unorega kunyepa kwako, unorega kubiridzira, unorega kuba, unorega kuita zvinhu zvausingafanire kuita. Sei? Nokuti unotenda kuti uri Mukristu, uye nekuti unotenda kuti uri Mukristu, unosimuka kubva ipapo, wava pane chimwe chinhanho. Zvino, maona?

⁸⁹ Zvino, kana uchirwara, hekuno kupodzwa, iwe chingozvitenda. Zvino, haugone kuzviita kuti uzvitende, chinofanira kuva chimwe chinhu chinoitika kwauri, sezvakangoita kutendeuka kwako, zvinofanira kuitika.

⁹⁰ Ndaiudza mudzimai wangu rimwe zuva kuti ndinomuda zvakadii. Saka, handifunge kuti angada kuti nditaure pamusoro pazvo, asi ndinozviita pakavanzika saka ndinofunga kuti ndinogona kuzviita paruzhinji iko zvino. Ndakanga ndiri kumuudza kuti ndinomuda zvakadii, uye kuti ndakagara ndichimuda sei kubva pakutanga chaipo, ndakati, "Hazvina mutsauko wazvinoita..."

Akati, "Oo, Bill." Akataura kuti sei, achitaura nezvekufuta kwaava kuita, bvudzi rake richichen.

⁹¹ Ndiyati, "Mudiwa, unogona kunge wakafuta *zvakadai* uye usina kana bvudzi, ndinongoramba ndichikuda zvimwe chetezvo." Maona? Nekuti chinofanira kuva chimwe chinhu ipapo chaunofanira, chine, chaunofanira kusangana nacho, chekuti unoda mumwe munhu.

⁹² Uye kunze kwekunge munhu iyeye achidawo mumwewo munhu iyeye... Izvi ndezvenyu vasikana vechidiki vasina kuroorwa, munoona, nemi vakomana. Paunosangana nemusikana iyeye waunoda, uye pane chimwe chinhu chaunoziva kuti unomuda, uye ndizvo zvoga zviripo kwazviri, kana kuti unomuda uye kuti, hauna basa kana mukomana uyu akanaka pachiso, kana kuti haana kunaka, kana musikana akanaka pachiso kana kuti haana kunaka, izvozvo hazvina basa, asi unovada zvimwe chetezvo, zvino, wochitotarisisa ipapo, woita sekubatira uri pedyo ipapo, nekuti ndizvo, wava kusvika pedyo nepauri kuda pacho.

⁹³ Uye ini... zvino... Mu—muchato wakavakirwa kunze kweizvozvo zvechokwadi unowa, kana kuti haumbofa wakabudirira, haumbofa wakafara. Zvino, ndataura izvozvo kuti ndisvike kune chimwe chinhu chandiri kuda kutaura: Shamwari, kutendeuka, kunze kwechinhu chimwe chetecho, hakugare kana, hakugare. Paunoenda kuchechi, uye—uye iwe woti, "Zvakakanaka, ndichajoinha chechi, uye ndigobhabhatidzwa." Kana izvozvo zvisiri kubva mumoyo werudo kuna Mwari mhiriko, hakuna kwazvinoenda, unongo, chauchaita chete kungojoinha chechi nekubhabhatidzwa.

⁹⁴ Asi kana watendeukira kuna Kristu, rudo kuna Kristu, unobva wawedzera kutenda muna Kristu, sezvaungaita kumudzimai wako, kana kumurume wako, unowedzera kutenda kwaunofamba makuri mukutenda ikoko, handizive, unongo, chimwe chinhu pamusoro pako, une chimwe chinhu chinokudzikamisa ipapo, munoona.

⁹⁵ Zvino, ndiyo nzira imwe cheteyo pamusoro paKristu, uye zvinorehwa naKristu, unoziitenda, uye unongogara nazvo

chaizvo. Uye ndiyo nzira, kunongokusimudza pamusoro pazvo chaipo, uye Mwari vanozviita kuti zviitike uye vozadzisa vimbiso yaVo, “Kana uchitenda kuna Ishe Jesu Kristu, iyewe, neimba yako muchaponeswa.”

⁹⁶ Saka zvino, ndangofunga kuti nditaure izvozvo, uye nda—ndatora nguva yakawandisa yazvo, maminetsi 30 kutaura izvozvo. Asi munoziva zvandiri kureva zvino, ndizvo zvazviri.

⁹⁷ Kana muchigona kutenda kuna Ishe Jesu Kristu, kwete bedzi zveruponeso rwako pachako, rwevadikanwi vako, kupodzwa kwemwana, kana kwaamai, kana chero chinhu chaunoshuvira chakanaka, uye unoziwa kana uchishuvira chimwe chinhu chisina kunaka, iwe—iwe haungava nekutenda kwakakwana kwekukumbira Mwari pakutanga, nekuti unoziwa kuti hachina kunaka, munoona, kana wakaperera uye uchiziva kuti zvakanaka, zvino unogona kukumbira Mwari nemoyo wakachena, uchiziva kuti hachisi chinangwa chehundini, uye donzvo rako nechinangwa chako zvakanaka chaizvo, zvino kumbira Mwari, uye semwana, tenda kuti unoziwana zvino unoziwana. Zvino, ndinozviviza izvozvo.

⁹⁸ Zvino, ndakauya kuna Kristu pandakanga ndiine zera remumwe wevakomana ava *pano*, ndinofungidzira, ndakanga ndava nemakore angangoita 20, uye nda—ndakaMushumira nguva yese iyi, zvino ndine makore 52, ndichange ndava ne 53, pabhavhadhe rangu, uye ndinogona kutaura nekuperera kuti handina kumbokumbira Kristu, nekuperera, chero chinhu, ndiko kuti, zviri, zvino, kuti kuMukumbira nekuperera chaiko, chero chinhu chaive nechinangwa chakanaka, asi chaAkapa kwandiri, kana kundiudza kuti sei Asina kuzviita; zvino gare-gare, ndakaona kuti chaive chinhu chakanaka kuti handina kuchiwana, munoona.

⁹⁹ Asi chingorangarira, kana ukatenda kwaAri, wova nekutenda maAri, uye uchivimba naYe, usa—usaedze kuzvisundira iwe pachako pakuzviita, ingogara naYe wozvifungisisa.

¹⁰⁰ Sekuti kana iwe...kana ndanga ndichiuya kuna Hama Welch, pano, kuzokwereta chi—chiuru chemadhora, ndinofungidzira handaizowana, nekuti vanogona kunge vasina, asi dai vainge vanayo, zvino, nda—ndaigona kuiwana. Zvino, ndaiuya ndoedza kuisa nyaya yacho pasi, ndaiuya ndobva ndati, “Welch, ndipe 1,000.” Haisiriyo nzira yacho yekuzviita nayo. Haisiriyo nzira yekukumbira Mwari nayo. Ndaiuya, ndoti kuna Hama Welch, ndoti, “Ndingataurawo nemi here maminetsi mashoma, Hama Welch?”

“Chokwadi, Hama Branham.”

¹⁰¹ Toenda parutivi togara pasi, ndoti, “Hama Welch, chinhu chekutanga, ndinoda kukubvunzai: Mungaitewo here madhora 1,000 amunogona kundiwanirawo?”

Zvinoka, ivo, kana ivo...isu—isu tiri shamwari, kana kuti vangandikumbira, kana kuti ini kwavari, kana mumwe wenyu hama, zvaizova zvimwe chete, taizoti, “Hongu.”

¹⁰² “Zvino, hechino chikonzero, chandiri kuda,” ndaizvizivisa ndovaratidza, ndinoti, “Hama Welch, ndiri kuno mumusangano, zvatondiomerawo chaizvo, ndi—ndinofanira kuti ndibude muguta, uye ndine chikwereti chemadhora 1,000, ndi—ndinotongofanira kuti ndiwane mari yacho kubva kumwe kunhu, Ishe vazviisa pamoyo pangu kuti ndiuye kwamuri.” Zvino ndokutsanangurirai. “Zvino—zvino, kubva kune mumwe musangano wandakava nawo pane *imwe nzvimbo*, ndine madhora 1,000 ari kuuya, ichasvika inenge mwedzi 3 kubva iko zvino, ndinogona kukubhadharai, ndichakubhadharai yabereka, kana muchiida.”

¹⁰³ Ndongozvizivisa zvose ndozvitsanangura kwavari, kuti sei. “Handidi kubva mudhorobha iroro saizvozvo, chinhu chakaipa pazita rangu kana ndikaita izvozvo, uye ipapo vanobva vazoti, ‘Hapano zvaari kunze kwekuva tsotsi uye *anoba*, zvino—zvino obuda muguta kudaro aine chikwereti chemari.’” Munona zvandiri kureva? Ndaizokutsanangurirai, ndogara pasi sehamu ndotaurirana nemi.

¹⁰⁴ Honguka, ndinotenda kana ndaiita izvozvo, uye—uye muchindida sezvamunoita, maizoita chero chinhu, maigona kuitisa motokari pinyoro kana kutengesa chimwe chinhu chiru mumba kuti muwane mari iyoyo. Zvino munona, maizozviita, chero ani wenyu aizozviita, uye ini ndaizozviitirawo imi.

¹⁰⁵ Asi maitirwo azvo, chinhu cha—chakanaka chekuita kuuya togara pasi totaurirana, ndoku—kukuzivisai, munona, totaura manzwiro edu mumwe kune mumwe, “Uri shamwari yangu, ndicho chikonzero ndauya kwauri.”

¹⁰⁶ Zvino, ndizvo zvimwe chete naKristu, unoti, “Ndimi Ishe wangu, ndi—ndiri—ndiri kurwara. Ini...chi—chiremba anoti hapana chaanokwanisa kundiitira, asi—asi ndinoziva kuti Munogona, nekuti ndiMi Ishe wangu.” Uye—uye chingo—chingotaurirana naYe kusvikira wanzwa zvino kuti—kuti—kuti wazvigamuchira, uye ndiko kutenda kwako, “Kutenda ndirwo rubatso rwezvinhu zvinotarisirwa, humbowo hwezvinhu zvisingaonekwi.”

¹⁰⁷ Uye ini, pandinonzwa saizvozvo, zvakangofanana nekuti ndinazvo, chokwadi, ndinoenderera mberi, nekuti ndazviwana, munona, ndazviita, zvino, Vakatondivimbisa kuti ndinazvo, saka izvozvo—izvozvo zvatoringana, uye ndinongoramba ndakabatirira, ndakamirira, pakupedzisira, chinhu chekutanga munoziva, hezvinoi zvichidururwa pasi kubva mumakoridho eKudenga, zvino wa—wazviwana.

¹⁰⁸ Asi ndizvo munona, “Iyewe, neimba yako muchaponeswa.” Zvino kana ukasavaona vese vaponeswa usati wabva panyika,

ucha...vachange varipo kana wasvika...nguva, kana Kuuya kukuru kwasvika, vanenge varipo.

¹⁰⁹ Zvino, manzwisisa zvandiri kureva? Maona? Nekutenda tinoita zvese, kutenda panaShe. Tenda panaShe kuti uwane basa, tenda panaShe kuti uvhime...kuti vakupe mudzimai waunofanira kuva naye, tenda panaShe kuti vakupe murume waunofanira kuroorwa naye, tenda panaShe kuti vakutumire midziyo mitsva, kana—kana chirongo chisisina chinhu uye chinu chaoma, uye pachisina chekudya, uye vana vaine nzara, tenda panaShe. Tenda kunaShe pane chero chinhu, munooona, chero bedzi chiri chakarurama, ingotenda panaShe uye “ucha,” munooona, chichauya. Handisati ndambozviona zvichikundika muhupenyu hwangu hwese. Mwari vakeuropafadzei.

¹¹⁰ Ko ukandlerengerawo mimwe yemibvunzo yacho? Ungandlerengerawo here? Ndi—ndinovimba kuti ndinoibata zvakanaka. Handidi kukuchengetai kwenguva yakarebesa zvino, angangoita, zvichida maminetsi angangoita 10, uye—uye—uye mumupe, Jimmy, nguva shoma yekuaverenga neche apo, kuona kana...Uye vachazo, kundibvunza chaiko, zvakananga chaizvo, uye saka, kana ndisingakwanise kuitaura, zvinoka muchanzwisisa.

¹¹¹ Asi munonzwisisa zvandiri kureva zvino, kutenda? “Tenda kuna Ishe Jesu Kristu, uye iyewe, neimba yako muchaponeswa.” Zvitendere iwe pachako, uye wotendera imba yako, zvino uchava nazvo. Iti, “Zvinoka, chiremba akati handigoni kupora.” Zvino, kana ukagona kutenda kunaShe, unogona kupora. “Manje, handina basa.” Asi kana ukatenda kunaShe, munooona, zvino uchava nebasa. Uye, “Ini—ini handizive zvekuita nechinhano *ichi*.” Tenda kunaShe.

¹¹² Tarisai mamiriro azvakaita nenii izvozvi, uye nemudzimai apo, ndakagara ndichifunga kuti Ishe vaida kuti ndibve muJeffersonville. Zvino, zvasvika panzvimbo, yekuti ndaitofanira kuzvikumikidza kwaVari, saka hezvinoi ndiri pano, Vanoziva pandiri ipo pano, manheru ano, saka, uye nekwese kwaVanoda kuti ndiende, ndichaenda, uye nezvaVanoda kuti ndiite, ndichaita, uye ndicharamba ndiripo kusvika Vandiudza, munooona.

¹¹³ Zvakanaka, Jimmy, waiwana here, mwanangu?

[Hama Jimmy Evans vanoverengera Hama Branham mibvunzo—Mupepeti]

[Kana Kubvutwa kwaitika, mhuri dzevatendi, mudzimai nevana vachaendawo here? Vari mukutenda nekuvimbwa muna Jesu Kristu saIshe.]

¹¹⁴ Hongu, hongu. **Mhuri yese ichapinda here mu—muKubvutwa?** Munooona, hongu. Maona? Zvino, kana mukacherechedza, Kubvutwa kuchange kuri chinhu chepasi rose. Uye, mese makanyatsonzwisisa here chidzidzo chiye

neSvondo? Mose munozvinzwisia zvakanaka here, pamusoro pekuswedera kwataita panguva iyoyo, *Mavhiki Makumi Manomwe ADhanieri?*

¹¹⁵ Mese maivepo neSvondo, handiti? Hongu. Zvakanaka. Zvakanaka, ndinofunga, Hama Welch, mune tepi yacho, uye vamwe venyu munogona kuiridza. Uye—uye mune mepu yacho, ndinotenda kudaro, hamuna here? Uye munongoidhirowa, zvino—zvino, kune avo vakanga vasipo, pamwe movatsanangurira, munoona, kuti va—vakwanise kuzvibata. Ndinoda kuti muone neMagwaro chete kuti handina kana izwi 1 rekutaura mazviri, Magwaro anongozviratidza, kuti tiri—tiri panguva yekupedzisira.

¹¹⁶ Zvino, tanga tichitaura nhasi, nehamma. Unoti, “Zvakanaka, Hama Branham, kana muchitenda kuti Kubvutwa kwaswedera pedyo kudaro, zvino sei muchienda kunoraura?” Kana ndikaisa pfungwa dzangu pazviri nguva dzose, zvingatokupengesa potse, paunofunga nezvemakumi ezviuru evanhu kunze uko vari muzvivi vasingazine Kristu, uye ndofunga kuti “Hepano pandiri, chii chandingaita?”

¹¹⁷ Asi hezvinoi zvandinofunga: Handigone kuponesa kana 1 kunze kwekunge Mwari vavadana. Maona? Handikwanise kuzviita, uye handaikwanisa kuvaponesa zvisinei. Asi, “Vose vaNdakapihwa naBaba vachauya kwaNdiri.” Saka kana Vakasanditaurira kwekuenda, zvino ndoita sei? Maona?

¹¹⁸ Saka, chinhu chandinoita, kusangova—kusangova nekunetseka nezvazvo, zvingatozonyanyisa kuipa kudarika kumashure, ndinofara nekuda kwazvo, ndakango—kungorongedza uye ndakagadzirira, munoziva, “Kana Kwauya, Ishe, hepano pandiri.” Ndakangomirira.

¹¹⁹ Uye zvino, hezvino zvinoitika: Vatsvene va—vakabvutwa, sezvamakacherechedza pachati neSvondo... Zvino, hama dzePentekosti dzepakutanga, kana kuti, hama dzekupedzisira dzePentekosti hadzipe iyo, machechi ekumashure nzvimbo yakakwana ipapo, handitende kudaro. Asi ndinotenda kuti Mukristu wese akazvarwa patsva... Uye tinozvarwa patsva sei? Kana tatenda kuna Ishe Jesu Kristu, munoona, nekugamuchira... Zvino, ini handitende nekuti unoti iwe mupfungwa dzako, unotenda, ndinotenda kuti hupenyu hwako hunotaura kuti uri Mukristu chaiye here kana kuti kwete. Ini... Unoti, “Chii...”

¹²⁰ Nhasi, mudzimai ari zasi uko, ataura *chimwe chinhu* pamusoro pekuva mu—Mukristu kana *chimwe chinhu*, zvino ati, “Uye sangano ripi?” Munoonaa, nekukurumidza chaiko vanoda kuziva kuti isangano ripi.

Ndikati, “Handisi wesangano ripi zvaro, ndinongova Mukristu chete.” Maona?

¹²¹ Mukristu, unoti, “Zvino, *Mukristu* zvinoreva mu ‘Campbellite.’” Kwete, izvozvo—izvozvo... vanongovadaidzawo kuti, “Mukristu,” asi hazvireve kuti “Mukristu.” Ndinoziva vanhu vazhinji vandinofunga kuti ndeve inonzi Chechi yeChikristu vainge vasiri Makristu. Uye vashumiri veChikristu vachakuudza zvimwe chetezvo zveChechi yeChikristu, kuti vane nhengo dzakawanda dzisiri Makristu.

¹²² Asi *Mukristu* haisi chechi yaunopinda, chiitiko chawakava nacho chekuberekwa mumhuri yaMwari.

¹²³ Zvino, cherechedzai mune izvozvo, Kubvutwa kuchange kuri kwepasi rose, nekuti Akati, “Pachava ne 2 mumunda, zvino Ndichatora 1 ndosiya 1. Pachava ne 2 pamubhedha, Ndichatora 1 ndosiya 1.” Munoona, kana kwakasviba kune rumwe rutivi rwenyika, apo 2 vari pamubhedha, inenge iri nguva yekukohwa kune rumwe rutivi rwenyika apo kunenge kune 2 vari mumunda. Maona? Uye zvinoratidza kuti kuchauya Kubvutwa kumwe kukuru-kuru, kuchauya chaiko kuchibva munyika. Maona? “2 mumunda, uye Ndichatora 1, ndosiya 1. 2 vari pamubhedha, Ndichatora 1 ndosiya 1.”

¹²⁴ Zvino, ti—tinozviona kuti... Zvino zvakare vose vakawanikwa vakanyorwa muBhuku vakadzikingurwa muZuva iroro raizvozvo, kutambudzika ikoko kusati kwasvika. Saka, kana vana vako, mai vako, vadikanwi vako, vangava ani, kana zita ravo rakanyorwa muBhuku reHupenyu reGwayana, vana vangu vanokosha, muchange muriko ikoko chaiko.

¹²⁵ Zvisinei kuti tiri kupi, kana—kana ini, ndichibhururuka mhiri kwemakungwa, uye nde—ndege ikaputika mumhepo uye ini, morega kutombowana kana chidimbu changu mumutumbi uno, izvozvo hazvizova nechinhu 1 chekuita nazvo. Maona? Ndichange ndingoripo zvakadaro. Usanetseke nazvo, ndinenge ndiri ikoko kuti ndikukwazise ruoko ndo—ndorumbidza Ishe pamwe chete newe, toVapfekedza korona saMambo wamambo naIshe washe. Maona?

¹²⁶ Ndinofunga kuti pamwe, pamutumbi waPauro, hapana kana guruva rasara, kana, asi zvese zvakaumba mutumbi wake zviriko pane imwe nzvimbo, saka zvichaunganidzwa pamwe chete pazuva iroro.

¹²⁷ Kana ukafa, iwe haufe zvirokwazvo, Mukristu haagone kufa, hakuna chinhu chinonzi rufu kuMukristu, hamuna muBhaibheri.

¹²⁸ Seapo Razaro, Akati...vakati... “Shamwari yedu—yedu Razaro avete,” Jesu akadaro. Munoona, haAna kumboti akanga afa, akati, “Akarara.”

Vakati, “Oo zvakanaka, kana akarara ndi—ndinofunga kuti ari kuita zvakanaka zvino, ari, kufanira kunge ari kuita zvakanaka.”

¹²⁹ Saka Akatozotaura mutauro wavo, Akati, zvino, neimwe nzira, "Mumutauro wenyu, afa. Uye NdinoFara nekuda kwenyu," kuti Akanga asipo, "Ndichaenda, kunomumutsa." Maona? Oo, hongu. Maona? Kuvata, munoona Aiva achiri nevaKe Omene, munoona, "Nekuda kwenyu, nemaziviro enyu, afa, asi kwaNdiri, arara, uye haNdisi kuno—haNdisi kunomumutsa kubva kurufu, Ndiri kunomumutsa kubva kuhope." Maona? "Ndichanomumutsa kubva kuhope."

¹³⁰ Uye saka, imi—imi cherechedzai apo Jesu, pachaKe, paakafa... Munoona, kune zvikamu 3 zvemutumbi, uh, saka, uh, izvo zvikamu 3 zvedu, munhu wemukati, mutumbi, nemweya, sezvamakaona *MaZera Manomwe EKereke*, ndakazvidhirowa; masuwo 5 kumutumbi, kuona, kuravira, kunzwa nekugunzva, kunhuwidza uye kunzwa nenzeve; nehana yemukati, nezvimwe zvakadaro, kumunhu wemukati; uye—uyeze kumweya, pane nzira 1, ndirwo rusununguko rwako pachako rwekuzvisarudzira, kunova "kuita sarudzo," munoona, unogona kuzviramba kana—kana kuti unogona kuzvigamuchira.

¹³¹ Uye saka zvino, kana munhu agamuchira Kristu uye akaponeswa, imba yako yose, mhuri yako yose, mhuri dzose dzepanyika dzichaponeswa, zvino, apo, kana kuti, dzichapinda.

¹³² Kristu paakafa, akakumikidza Mweya waKe kuna Mwari Asati abva pa—pamuchinjikwa, Akati, "Mumaoko eNyU Ndinokumikidza Mweya waNgu." Uye Bhaibheri rakati Munhu waKe wemukati akaenda kugehena akanoparidza, ndiyo hana yaKe yemukati neZvaAiva, kumweya yakanga iri mutirongo uye mutumbi waKe wakaenda kuguva.

¹³³ Zvino, munoona, Akanga ari seri kwechidziviso cheMagwaro, haAna kukwanisa kumuka kwemazuva 3. Uye Mweya waKe wakanga uri kumusoro *kuno* muHupo hwaMwari. Zvino, mushure memazuva 3, Chidziviso ichocco chakabviswa, nekuti Gwaro rakanga razadzikiswa, uye Mweya waKe wakaenda kuMunhu wemukati, uye Munhu wemukati ndokuenda kumutumbi, Akamuka. Akati Asati afa, Akati, "Ndine simba rekuradzika hupenyu hwaNgu pasi, uye Ndine simba rekuhumutsazve."

¹³⁴ Zvino pafungei, mumwe nemumwe wenyu ari muno, sekuziva kwangu, manheru ano, muri Makristu, zvino tarisai, Chinhu chiri mauri zvino, Mweya uri mauri zvino, ndiwo Mweya mumwe chete uchakumutsa. Une simba rekuisa hupenyu hwako pasi, uri kuzviita iko zvino uchiitira Kristu, uye zvakare une simba rekuhumutsa zvakare. Maona? Une simba rekuhuradzika pasi, uye nesimba, rekuhumutsa, nekuti ndiWo chaiwo Mweya waMwari uri mauri unokumutsa, ndiwo Mweya chaiwo waMwari waive muna Kristu wakaMumutsa. Saka une simba rekuhwuradzika pasi, une simba rekuhumutsa.

¹³⁵ Zvino paunofa, kana kuti, uye iwe, vadikani vedu, kana mumwe munhu akatungamira mberi kwedu, havana kufa, mweya wavo uri kuna Mwari, munhu wavo wemukati ari pasi peartari yaMwari, mutumbi wavo uri muguva, uye vanoziva chaipo pauri.

¹³⁶ Saka, chii chinoitika? Kana Gwaro razadzikiswa rese, sezviri muBhaibheri rakati, “Mweya iyi iri pasi peartari, yaichema kuti, ‘Ishe, kusvikira rinhiko, kusvikira rinhiko?’ Vanoda kudzoka panyika vova mumitumbi. Vakati, “Kwasara chinguva chiduku, kusvikira vamwe venyu varanda vatambudzika semi nekuda kwechapupu chaKristu.”

¹³⁷ Zvino munoonaa kana Gwaro iroro razadzikiswa, zvino mweya iyoyo inodzika chaizvo, yakananga pasi peartari ipapo yotora munhu wemukati iyeye, munhu wemukati iyeye anodzika pasi chaipo onotora mutumbi, zvino hezvoka izvo, wamutswa zvakare. Pafungei, Mweya Mutsvene uri muno chaimo muchivakwa chino manheru ano, Mweya Mutsvene uri *muno* chaimo mumoyo mangu, uchandimutsa nezuva rekupedzisira.

¹³⁸ Mweya Mutsvene uyu uri mandiri zvino, uchaona kuti ndava nemutumbi wechidiki, usingafe uye ndisingagoendi... Mweya Mutsvene uri mauri, uchaona kuti vhudzi jena richatsakatika uye chero zvaringava. Uye iwe, nezera rekukwegura, kana wachembera *zvikuru*, uye ndebvu dzadzika, uye uchifamba *saizvozvo*, hazvina mutsauko kana 1 wazvinoita, Mweya Mutsvene mumwe chete iwoyo uri mauri uchazongokubvuta paZuva iroro, kungova jaya nemhandara; ndiro Bhaibheri. Ndizvozvo.

¹³⁹ Mweya uri matiri iko zvino, iko zvino, kwete Uyo *uchauya*, Uyo uri matiri *zvino*. NdiMwari mauri zvino. Uye Vachamutsa... Unogona kuzvimutsa. Uye sei usingakwanise kuzviita zvino? Nekuti, munoonaa, pane Gwaro rakabata, unofanira kumirira kusvika paKubvutwa.

¹⁴⁰ Munoonaa, hezvoka izvo, unofanira kugara ipapo chaipo. Maona? Haubvumirwe kusvika kumusoro *uku*, kana zvikadaro, handiti, isu taizo, ndakati, taizozvivakira nyika yedu tega, waizorarama mune imwewo nyika, uye ini mune imwe, zvadar hapazova neKuuya kwaIshe Jesu. Uye zvingazova chii? Maona?

¹⁴¹ Asi une simba rekuzviita. Kamumvuri kadiki-kadiki ka-kaMwari kanogona kuita chero chinhu, nekuti munoonaa, iVo—iVo ndisamasimba. Munoziva kuti *samasimba*? Havana magumo, kusava nemagumo, kusava nemagumo uye vari samasimba. Ndiko *kusava nemagumo*, hapana chete, zvinoka, iwe—iwe—iwe hautongogone kuzvitsanangura, munoziva. *Vasina magumo*, sezvingori pakamera, kusava nemagumo, zvinongobva *ipapo* zvichienda mberi. Uye zvakare *samasimba* ndiko kuti “vane masimba ose.” Vanogara vari-...

¹⁴² Ndakamira kunze uko, uye ndakatarisa nemugirazi, zvino ndaigona kuona kwakasvikwa nechiedza mumakore 120 miriyoni, apo—apo munzveri wenyeredzi uya akanga anditora kuti nditarise, akaita kuti nditarise nepagirazi guru iroro husiku ihwohwo, ndaigona kuona kwakasvikwa nechiedza mumakore 120 miriyoni.

¹⁴³ Zvinoka, munotaura nezveJupiter neMars nenyeredzi idzi dzamuri kuona zvino, zvinoka ini zvangu, fungai kuti 100 ne-... Chiedza chinofamba zvingaite, chii zviya? 80-...? Mamaira, 186,000 pasekondi rimwe, mamaira 186,000 pasekondi rimwe, zvino chitorai makore 120 miriyoni. Fiyuu! Nesecondi 1 chete, 186,000, uye woagura mumakore 120 miriyoni. Zvino unowana chii? Aya mamaira aya. Oo, ini zvangu! Zvinongotiita kuti tinzwe sekuti uri—uri kungo... Maona?

¹⁴⁴ Asi zvino, uyezve kupfuura izvozvo, kunongova nemwedzi nenyeredzi zvakawanda sezvaive... Uye Vakazvibata nesimba reShoko raVo Vomene. Uye Chinhu chimwe chete ichocco chakazvibata chiri mauri seMukristu. Oo, ini zvangu! Munoona, munoonaa, hezvoka izvo. Saka ipapo, ndizvo zvaauri.

¹⁴⁵ Munoona, vanhu vanoedza kufunga kuti, "Manjeka, ndiri Mukristu, ndinofunga kuti ndinofanira kunge ndichingoongororwa." Kwete, haufanire kudaro. Uri Mukristu, hama! Ndizvo zvaka-... Uri mwanakomana waMwari. Baba vedu ndiMambo, zvirokwazvo. Ameni. Uye Baba vedu, zvavari Mambo, tiri—tiri vanakomana vaVo, tiri muchinda nemukunda wamambo, ameni, kuna Mambo. Maona? Wepamusoro-soro aripo, wepamusoro-soro angavapo, Mweya chaiwo waMwari wedu uri matiri. Ndizvozvo.

¹⁴⁶ Saka, chii chatinoitira hanya nezviri kuitika pano? Munoona, Pane Nzvimbo inokosha, ino ingori nguva yekuyedzwa, kana Baba vapedza, handei, handei Kumusha. Maona? Saka, zvinoita mutsauko wei?

¹⁴⁷ Saka zvino mune izvozvo, tenda kuna Ishe Jesu Kristu, kana vana vako vasina kuponeswa, kusvikira vaponeswa. Zvino Jesu akati, zvino, rangarirai, Mutsvene Johane 5:24, "Uyo anonzwa Mashoko aNgu, nekutenda kuna iYe akaNditura, ane Hupenyu husingaperi, uye haangayui paKutongwa."

¹⁴⁸ Zvino kana akasauya paKutongwa, anoenda kupi? MuKubvutwa. Maona? Nekuti ndekuya Kutongwa mushure meKubvutwa. Maona? "Haangapindi muKutongwa; asi abva murufu achienda kuHupenyu." Nekuti akatenda kuna Ishe Jesu Kristu. Hazvina kunaka here izvi? Saka ivo, vana vako vachavako pamwe newe, vadikani vako vachavako pamwe newe, uye ndinovimba ndiriko ikoko nemi. Ameni.

¹⁴⁹ Zvakanaka, une mumwe here ipapo, Chikomana Jimmy?

[Tinonzwisia kuti nyika yakagadzirwa nekutenda. Ndapota tsananguraiwo zvishoma pamusoro pekutenda?]

¹⁵⁰ Nyika yakagadzirwa. Zvino, umo muna VaHebheru tinoona kuti, tinonzwisia kuti nyika yakagadzirwa ne—nezvinhu zvingaonekwi.

¹⁵¹ Zvino, ndicha—ndichaedza kukurumidza, nokuti handina kucherechedza mibvunzo miduku iyoyo yose, iyoyo yose iripo. Zvino, ngatingotorai, tidzokere parwendo rwudiki. Uye—uye dzatova 10, uye ndaudza Amai kuti ndaizogadzirira kuenda na 10. Mava—mava kunyanya kunzwa hope here zvekusagona kumirira kweminiti bedzi, kana kuti, manetes? Maona?

¹⁵² Zvakanaka, honai, pasati pava kana nechinhu, ngationei, pasati pava nechiedza, pasati pava nenyika, pasati pava nenyeredzi, pasati pava ne atom, pasati pava ne molecule, kwaiva naMwari. Ndiani Munhu uyu, Mwari? IYe imhepo here, Chiedza here, Ari here...? NdiMwari, ndizvo zvoga zvaunongogona kutaura. Maona?

¹⁵³ Chimbofunga, molecule, mune mu atom 1 diki, mune ma molecule ane *humwe huwandum*. Maona? Zvino mberi kwe molecule, kusati kwatombova kana nerimwe rawo, kwakanga kuchina Mwari. Vakanga ari zvose, vakazadza zvinhu zvose. Maona?

¹⁵⁴ Zvino, muna Mwari uyu, zvino, tiri kuzo—tiri kuzoMumugadzirira Chimiro chidiki—chidiki kuti mukwanise kuona, zvino, mukati meMunhu uyu—uyu Mwari, mukati meMunhu uyu—uyu maiva, maiva nehunhu, zvino hunhu ihwohwo hwaiva hwekuva Baba, hwaiva hwekuva Mupodzi, hwaiva hwekuva Muponesi; ndizvo zvaiva muMunhu mukuru uyu, zvino, Paiva apo pasati pambova ne molecule kana chimwe chinhu, pakwakanga kusina ma molecule, asi pakanga pachiina Mwari.

¹⁵⁵ Zvino, imomo maiva nehunhu hwekuva Baba, kuva Mwanakomana, kuva Muponesi, kuva Mupodzi, kuva zvinhu zvose izvozvo. Zvino, Munhu uyu ane izvi... Zvino, kana Munhu uyu, Mwari...

¹⁵⁶ Zvino, zvaVakaita, chinhu chekutanga, ngatiti Vakagadzira, sekuziva kwatinoita, chidikisa chatinogona kupamura, raive molecule. Uye mushure mekunge Vagadzira molecule, Vakagadzira mazana emabhiriyon iwo musekondi. Chaizvo, chii chaVakaita? Vakazitura kuti zvivepo. Uye zvino, iwe... Hechino chingava chidzidzo chakanaka ipo pano, dai taingova nenguva yekupinda mazviri. Maona?

¹⁵⁷ Zvino, Vakazitura, uye paVakataura kudaro, ma molecule akatanga kutenderera. Ipapo Vakabva vati, “Ngakuve nema atom.” Zvino kune mirawo yema atom, uye achiri kugara mumurawo iwoyo, achiri kufamba, zvinhu zvose zvinofamba mumirawo yaMwari.

¹⁵⁸ Semurume wandaikuudzai nezvake, muchinda mutana uyo hama Banks Wood nenii takaendako, munoziva, kunomuona.

Aitaura nezve... “Kuti...?” Ndakamubvunza, aiva munhu asingatendi mune chitendero, zvino ndakamubvunza, “Muto iwoyo unosiya sei muti muna Nyamavhuvhu, uye wodzika mumidzi? Chii chinouita kuti uzviite?” Iye... “Chii chinoita kuti mashizha ashanduke kuva ebhurauni?”

Akati, “Nekuti muto...” akadaro.

“Sei—sei muto uchidzika pasi?”

Akati, “Zvinoka, unongo, unodzika zasi.”

Ndakati, “Ko kana ukasadzika?”

Akati, “Muti unozofaka.”

¹⁵⁹ Ndikati, “Zvakanaka, ko Huchenjeri hupi hunoita kuti muto iwoyo udzike zasi mumidzi? Isa bhaketi remvura padanda uye muone kana ichizodzika pasi muna Nyamavhuvhu.” Maona? Ndakati, “Ko Huchenjeri hupi hunoita kuti muto iwoyo usiye muti uye wodzika zasi mumidzi? Chimwe chinhu chinouudza kuti uende zasi ikoko, kana kuti uchaoma nechando wofa, muti iwoyo unofa.” Maona? “Uye hatisati tava nemamiriro ekunze anotonhora kana chimwe chinhu nazvino. Asi iwo...”

Akati, “Handitika, anongova—anongova masikirwo acho.”

“Zvakanaka—zvakanaka, chii chinonzi zvisikwa? Ndiudzei kuti zvisikwa chii.” Maona? Zvisikwa murawo waMwari, hongu, murawo waMwari.

¹⁶⁰ Zvino, kutenda murawo waMwari, munoono, zvime chete. Simba rose iri raMwari ratiri kutaura nezvaro tinoriwana isu nekutenda, “Zvinhu zvese zvinogoneka. Iti kugomo iri, ibvapo, uye usingapokane mumoyo mako. Tenda zvawataura, kuti zvinoitika, unogona kuva nazvo.” Rinosvikirika kwariri, kana uine murawo, hezvoka izvo, munoono, murawo wacho kutenda kunotungamira zvinhu zvese.

¹⁶¹ Zvino, Mwari nemurawo waVo, vakagadzira ma molecule, iwoyo murawo waMwari, zvino Mwari ndokugadzira ma atom, zvino kubva ipapo, Mwari vakagadzira zuva, kubva mariri, kubva muzuva vakagadzira nyeredzi, kubva munyeredzi... (Zvinova zvidimbu zvidiki zvezuva zviri kubhururuka zvichienda.) Chii chaVaiva nacho? Kuseri-seri uko kune zvizenga zvaVo zviri kuzviratidza.

¹⁶² Zvino kwakazouya nyika, uye mushure menyika kwakauya zvisikwa, uye mushure mezvisikwa, kwakauya murawo kuzvisikwa. Mushure mekunge nyika yavapo... Chii chinoita nyika ino? Ko munhu angazvitsanangura sei? Tenderedza bhora nechero nzira yaunoda, rikande mumhepo, haritenderere ka 2, richimhanya kabhiriyoni pasekondi 1, harizotenderera ka 2 panzvimbo imwe chete, uye zvakadaro, tine nhoroondo yemakore 6,000, nyika ino haina kumbopotsa kana nguva imwe, ichitenderera maawa 24 chaiwo-chaiwo, yakamira pasina chinhu. Maona?

¹⁶³ Chii ichocco? Uyu Munhu mukuru, kusati kwave nenyika . . . Kusati kwava nenyika, ndiye Munhu mukuru iyeye ari imomo, murawo waMwari unoita kuti itenderere. Murawo mumwe chete waMwari, Vakangoitaura kuti ivepo, iVo Musiki, Vanosika. Maona? Uye ndosaka nyika yakaitwa pasina . . . Nekutenda, Mwari vakaita nyika, nekuti kutenda kwaVo iVo, munoonaa, kwakagadzira nyika. Uye ndiwo maitiro . . .

¹⁶⁴ Zvino, iVo, kana, munoonaa, Vakadzika vachigadzira munhu nemhuka dzose, kusvika Vadzika kusvika kuchivi, asi haVaikwanisa kugadzira chivi, nekuti haVangavi vakarurama uye Baba vekururama, uye vobva vagadzira chivi. Saka munoziva zvaVakaita? Vakasika munhu nemufananidzo waVo pachaVo, uye vachiziva kuti aizowa, asi vakamuisa pahwaro hwerusununguko rwekuzvisarudzira, Vakati, "Zvino, usabate muti *uyu*."

¹⁶⁵ Zvino, haVana kukwanisa kuti . . . Zvino, Vaiziva kuti aizoubata, asi haVaigona . . . ? . . . iye kuti aubate, nokuti Vakati, "Ukabata Muti *uyu*, unorarama, ukabata muti *uyu* zvino unofa." Maona?

¹⁶⁶ Uye Vaiziva kuti munhu aizokundika, asi zvakadaro haVaigona kumuuta kuti akundikane, aitofanira kuzviita pane kwake . . . saka—saka zvinota kuti Mwari vave vakarurama, munoonaa, munhu akawa ega. Mushure mekunge Vamugadzira ari pedyo zvikuru naVo, Vakamuisa pahwaro hwerusununguko rwekuzvisarudzira, uye naizvozvo, ipapo ndipo paakawa, nekuda kwechiito chake iye cherusununguko rwekuzvisarudzira akawa.

¹⁶⁷ Zvino nhasi, mumwe nemumwe wenyu imi vana, uye mumwe nemumwe wedu isu vakuru takaiswa pamiti 2 mimwe cheteyo, tinogona kugamuchira Hupenyu, kana kuHuramba. Maona? Saka Mwari vakangozvitura kuti zvivepo, uye nyika ndokumbwa, pasi apa chaipo iShoko raMwari, chinhu ichi *pano* iShoko raMwari, mitumbi yedu iShoko raMwari, uye zvose zviripo, iShoko raMwari, munoonaa, nokuti zvose zvakatanga zvichibva kuna Mwari.

¹⁶⁸ Zvakanaka, changamire. Zvino—zvino, kana izvozvo zvisiri izvo, kana zvikasazvijekesa, handiti, imi—imi munogona kundinyorera kagwaro, mouya nako kuchechi, kana muchida.

¹⁶⁹ Zvakanaka, Hama Jimmy.

[VaKorinte Vokutanga 16:22, tsanangurai.]

¹⁷⁰ Ngationei, VaKorinte Vekutanga 16:22. Zvakanaka, changamire, chimbomirai zvishoma. Izvi—izvi zvidiki—izvi zvidzidzo zvidiki muMagwaro zvingatibatsira chaizvo. Zvinogona—zvinogona kukusimbisai uye nekukuitai—nekukuitai vasimbi, varume vakasimba.

¹⁷¹ Wati 16 nhaika, mwanakomana? [Chibenga chisina chinhu patepi—Mupepeti] “...ngaave...” Oo, maihwee zvangu, handizive kuti ndinogona kududza zita iroro here kana kuti kwete. A-n-a-t-h-e-m-a M-a-r-a-m-a-t-h-a. Mumwe munhu ane rimwe Bhaibheri, tarisai zvarakatsanangura. Ndi *anathe-...* Mati chii? Zvinonzwika saizvozvo. Chii ichocho, Fred? Tora, tora rimwe, pane mumwe munhu ane rimwe Bhaibheri here? Uone kana ririmo imomo.

¹⁷² Anathema. Saka, chii chinonzi *anathema*? Zvino, mazondiwana ipapo. Ungazivawo here, Fred? Chero ani zvake, chero ani wenyu angazivawo kuti *anathema* chii? Mune duramazwi here? Tinogona kuriwana munguva shoma, tora duramazwi.

¹⁷³ Zvakanaka, paari kuritsvaga iroro, pamwe ndinogona kupindura mumwezve. Zvakanaka, Changamire.

[Tsanangurai, “Ndakaona Satani, mumheni, achiwa kubva Kudenga.”]

¹⁷⁴ “Zvino ndakaona Satani achiwa kubva Kudenga semheni.” Umo muna Ruka ndimo macho...ndimo mune Gwaro iroro? Kungo, zvino, ndinofunga kuti ndizvo zvazviru.

¹⁷⁵ “Ndakaona Satani achidonha kubva Kudenga semheni.” Zvino, iroka, zvino, ndichangotsanangura izvi, uye kana zvikasabuda, zvino imi—imi ingondizivisai, uye ndinobva ndapinda muhudzamu. Munorangarira here...? Ticha—tichazvitora izvozvo kana tapinda, mberi tichienda muMagwaro pakudzidza kwedu imomo mune izvozvo.

¹⁷⁶ Munoziva, Jesu, paiva chaipo mushure mekunge Jesu apa vadzidzi vaKe simba pamusoro pemweya yetsvina, uye vakabuda vachidzinga madhimoni. Akavatuma vari vaviri-vaviri, zvino Akati, “Musaenda kuMarudzi, asi endai kumakwayi akarasika aIsraeri. Zvino pamunoenda, paridzai Hushe hweKudenga; uye mupodze vanorwara, nekudzinga madhimoni,” nezvimwe zvakadaro. Saka, ipapo, ndokubva, vadzoka vachipembera, nemufaro (Zvino, imi mabvunza mubvunzo munoziva kuti ndipo pazviri, munoona.), vakadzoka nemufaro vachipembera. Zvino Akati—zvino Akati, “Musafare nekuti mazita enyu, uh, musafare nekuti madhimoni anozviisa pasi penyu, asi farai nekuti mazita enyu akanyorwa Kudenga.” Akati, “Ndaona Satani achidonha kubva Kudenga semheni.”

¹⁷⁷ Munoona, simba reChechi iyoyo richienderera mberi rakanga richangobva kuvhiringa humambo hwese hwaSatani, munoona. Zvino Akamuona achidonha kubva panzvimbos yake nekuda kwekuti Mwari vakanga vapa zvakare simba kuChechi yaVo kuti iende kuno...Akamuona achidonha semheni kubva Kudenga. Akakandwa kunze kwenzvimbos tsvene nezvose, munoona, nesimba re-...simba iroro reChechi iyoyo, ravo vaine simba. Jesu akati, “Ndinokupai simba

pamusoro pemweya yetsvina." Maona? Uye vakanyatsovhiringa humambo hwaSatani. Chii chatingaita nazvo nhasi? Oo, Ishe ngavarumbidzwe!

¹⁷⁸ Zvakanaka, Hama Jimmy, pamwe mune mumwe?

[Tsanangurai, "ropa pamatomu ebhiza," muna Zvakazarurwa.]

¹⁷⁹ Matomu, Amagedhoni, uh-huh, muna Zvakazarurwa. Zvino, mumazuva ekupedzisira, takasvika panzvimbo apo Tito, muna A.D. 70, akatora masvingo eJerusarema, akakoromorera pasi masvingo eJerusarema. Vanoti paive neropa rakawandisa rakadeuka pakati pavaya, majudha miriyoni chaiwo kana kudarika vaiva mukati memasvingo, kusvikira vakauraya kunyange vakadzi, vacheche, zvino, zvakanga zvakaipisia kusvikira ivo...

¹⁸⁰ Vakanga varamba Mweya Mutsvene. Honai zvino, Mwari, paVaka... Pavakaramba Kristu vachiMudaizda kuti Bherizebhabhu, Akati, "Ndinokuregererai nekuda kwaizvozvo," munoona, "Ndichakuregererai, asi," ndokuti, "rimwe zuva Mweya Mutsvene uri kuuya" kuzoita chinhu chimwe chete chaAinge achiita. Akati, "Shoko 1 rinopesana naWo hariregererwe."

¹⁸¹ Zvino, chii chavakaita neZuva rePentekosti pavakaona vanhu vaya vachidanidzira, nekutamba, uye vachiita sekunge vakadhakwa, nekuzhambatata, nekudanidzira, nekuenderera? Vakati kudii? Vakati, "Vabatwa newaini, zvidhakwa izvi," uye nezvose zvakadaro, Mabasa 2. Uye vakavaseka uye vakavadaidza zvese hazvo. Chii chakaitika? Zvakavasimbisira kunze kweHumambo hwaMwari. Maona?

¹⁸² Zvino pakauya kupambwa kuya kweJerusarema, zvino, tichazvitora muna Zvakazarurwa 7, tichadzoka chaiko kwazviri, angave ani abvunza mubvunzo uyu, tichadzoka kwauri, uyezve, zvino pavaka, Tito achitora masvingo, nhoroondo inoti, pana—pana Josephus, munyori wenhoroondo wekare akafamba mumazuva aShe wedu Jesu, uye aive munyori wenhoroondo mukuru, akataura kuti kunyange ropa rakayerera, richingofashukira kunze nepamasuwo saizvozvo, vakauraya vazhinji vavo kwazvo imomo panguva imwe chete pavakapindamo.

¹⁸³ Zvino, Bhaibheri rinofanotaura kuti mumazuva ekupedzisira kuti Vachateya chiKatorike, chiRoma, nezvimwe zvinhu zvose izvozvo, uye ivo, communism, navose ve, pamwe chete mumipata yeMegidho ipapo, kusvika pachava nekuurayiwa kukuru pakati pavo, kusvika ropa richayerera kuenda pamatomu ebhiza... matomu ebhiza. Munoona, zviri muna Zvakaza-... izvo zvichave muna...

¹⁸⁴ Asi Baba veKudenga ngavatendwe, handifunge kuti tichange tiripo pano, nenyasha dzaVo, hatizovepo, tichange tiri

muKubwinya ipapo, munoona. Zvichange zviri mushure chaimo mekunge va—va—vaporofita 2 vaye vapa chiporofita muhondo yeAmagedhon. Ndipo apo idzi—apo idzi ndudzi dzeMarudzi dzazoipa kwazvo, dzongoramba dzichienderera mberi, uye nemubatanidzwa wemachechi, uye zvose izvi zvinouya pamwe chete, zvino Mwari vachatora Chechi, Chechi yeVasanangurwa Kumusha kubva kune imwe neimwe. Uye mhandara dzese dzakarara dzichange dzakamiri...

¹⁸⁵ Zvino, matomu iwayo ipapo achabuda kubva kumhandara dzakavata naavo vose muzuva iroro, uye ne communism, kana vose vasangana ipapo, uye Mwari vakati Vaizokumbirisa navo sezvaVakaita mu—mumazuva akapfuura, munoziva, imomo mumupata iwoyo. Uye ndipo parichafamba kusvika kumatomhu emabhiza.

¹⁸⁶ Wazombowana izwi riya here? Vawana here...? Oo, vachiri kutari... Oo, zviri, pfuirira hako mberi, zvakanaka.

[Chii iyi mweya yetsvina mitatu?]

¹⁸⁷ Yakabuda muna, Zvakazarurwa, ichibuda mumuromo wemuporofita wenhem, neshato, nezvime zvakadaro.

¹⁸⁸ Zvino, tichazviwana muchidzidzo chedu zvino, munoona, mweya yetsvina 3 iyi *zvitevedzwa* 3. Regai ndikufananidzirei zvino uye muchaona kwazva—kwazvakatangira, kwazvakavambira. Munona, kwaiva necommunism, fascism, Nazism, iyi yaiva mweya. Communism mweya, unomhara pauri. Maona? Mweya. Uye iwo, uchava chimwe chinhu chakadaro, chete ndaizo...iwo—iwo... Handizvo chaizvo, asi ichange iri mweya 3, saizvozvo, iyoyo yaive yakada kuita senhungamiri. Asi, chokwadi, munoziva kuti kupi, zviri muchiKatorike, munoona, asi ndaizo... Ndi—ndinoda kutora zvinhu zvishoma pamusoro pazvo ipapo ndisati ndazvitura, munoona, kuti ndive nechokwadi chokuti ndinoziva izvo...

¹⁸⁹ Asi mweya 3, sezkangoita communism, fascism. Uye takazviburitsa makore akapfuura, munoziva. Rangarirai, ndakakuudzai, ndakati chaizova chi—chaizova chi—chinhu chaizoitika, chaizove, zvose zvichiperera mu communism? Uye ndipo pazvinoitwa, ndizvo zvime chete zvazvichava panguva iyoyo, munoona, ichange iri mweya yetsvina 3 ichenda. Iyo...

¹⁹⁰ Ini chaizvoizvo, ndinotenda zvechokwadi izvozvi, kungoita sekuzvitsanangura, kana musina basa nazvo, uye kana ndikawedzera zvime zvishoma pazviri pandinotanga kuzvitsanangura, zvino, moti, “Hamuna kuzvitsanangura zvose zasi uko husiku huya.” Maona? Kana ndikaita izvozvo.

¹⁹¹ Hezvino zvandinofunga kuti zvichava: ndinotenda kuti utori mweya, mhandara yakarara, mubatanidzwa wechechi; chiJudha pakuramba Kristu, maJudha akazviramba; nechiKatorike. Nekuti, munoona, payakabuda mune, yakabuda mumuporofita

wenhema, munoona, kubva mumuromo wemuporofita wenhema aiva papa, kubva muchikara, munoona. Zvino yose iyoyo, kwayakabva, unogona kuona nhayo dzacho, kwairi.

¹⁹² Uye ndiyo mweya yetsvina 3 inoisa pasi rose kuAmagedhoni, munoona. Zvino ndiyo mweya 3 yetsvina iyoyo; zvino unobva wapinza izvozvo chaimo nenhamo 3. Munorangarira rimwe zuva, ndakangozvituraura, ndikati, achange ari matenda 7 ekupedzisira, zvisimbiso 7, nenhamo 3, uye ne 2...mweya yetsvina 3, uye iyo—iyo inouya kuburikidza naizvozvo.

¹⁹³ Zvakanaaka, une mumwe here, unawo?

[Unoti, “**Rwizi rweYufratesi rwunofananidzirei muBhaibheri, tichitaura pamweya?**”]

¹⁹⁴ Ehee, Rwizi rweYufratesi, rwakagara rwuri rwizi rukuru, nekuti Rwizi rweYufratesi rwune nzvimbo huru muBhaibheri. Nzvimbo yekutanga yatinoona, kuti rwaipfuura nemuEdheni, Rwizi rweYufratesi rwaidaro, Bhaibheri rinoti rwakapfuura nemuEdheni chaimo. Chinhu chinotevera chatinoona, Rwizi rweYufratesi zvakare rwaiva rwizi rwaiuya rwakanyatsonanga rwudzichidzika nemuBhabhironi, rwizi rwumwe cheterwo, munoona, Rwizi rweYufratesi rwaipfuura nemuBhabhironi chaimo.

¹⁹⁵ Zvino, tinoona kuti Mutumwa akadurura ndiro yake paRwizi rweYufratesi ndokurwuomesa, kuti Mambo weKuchamhembe adzike zasi. Uye ndinofunga kuti chaizvo zvichave, zvichave panguva yekupedzisira pavanopinda muAmagedhoni, munoona, vanofanira kuuya vachinyatsodzika nemuEgipita imomo, kuti vapinde marwuri, uye vachidzika zasi chaiko nemunyika idzi, vachafanira kuti vayambuke Yufratesi kuti vagopindamo.

¹⁹⁶ Munoona, Rwizi rweYufratesi rwunoyerera nhasi, ti—tinozvizza izvozvo, munoona, uye—uye Amazon, South America, ne—neNile muEgipita, neYufratesi, ne...Oo, nderwipi rumwe rwuya? Pane nzizi 2 imomo, dzaienda kumusoro uko kumusoro kweEdheni. Uye Rwizi rwe—rweYufratesi ndipo apo mukuru uyu...ndokugadzira nzira yekuti auye zasi, munoona, kugadzirira Mambo weKuchamhembe nzira yekuti auye zasi, madzimambo. Zvichava, zvichaitika munguva yehondo yeAmagedhoni mumazuva ekupedzisira, munoona, Rwizi irworwo rweYufratesi.

¹⁹⁷ Ndiyo yese here? Kana kuti...? Ndiyo yese zvayo.

¹⁹⁸ Zvino, mupfungwa dzangu chete, munoona, pamusoro pazvo, zviri munhu uyu kana vakaramba Kristu. Zvingori, munogona kuzvitsvagira mega mune—mune, muduramanzwi, nekuti hachisi chinhu chekuti chingava chiru, chandingarega kutaura nezvacho, pano chaipo zvino. Asi zvitsvagei, uye muchaona zvazvinoreva. Izvo...Unongogona, nemamwe

mazwi, pane nzvimbo 2 kana 3 muGwaro dzandingaratidza kwamuri, zvinhu zvakadaro.

¹⁹⁹ Sezviri, mune mamwe mashoko, sezvakataurwa naMambo Nebhukadhinezari, "Chero munhu anga asingazo—aisazopfugamira kune *Nhingi-nhingi* ichi," pasi pa, Mwari waDhanieri, nezvose, "imba yake ngaitorwe, vana vake vapiswe, imba yake ive durunhuru." Maona? Uye tinocherechedza kuti mazwi iwayo ari, anongoburitswa otaurwa saizvozvo. Asi kana ukangotarisa uchidzokera muduramazwi, richa—richakuudza chaizvo zvazviri, munoonaa, kuti ichocco chii.

²⁰⁰ Zvino, zvinhu zvidiki zvekare izvi zvinojekesa, uye ini—ini—ini handina kuisa zvakanyanya pazviri kana zvika... sezvandaifanira kumira ndoisa, nekuti munoonaa, zviri—zviri... munhu wese, imi mose muri kushanda mangwana, uye ini ndiri kuenda uko, Ishe vachitendera, kuMiami. Zvino dzava 10:15, uye handidi kukuchengetai kwenguva yakarebesa, uye ndinofunga vana vangu vatorara, uye ndinodaira kuti nevenyuwo zvakare, zvino saka hezvoka izvo. Uye—uye vadiki ava vanokurumidza kunzwa hope.

²⁰¹ Asi ndinoda kutaura kuti iyi mibvunzo yakanaka kwazvo, chaizvo, mumwe nemumwe wayo, wakanaka chaizvo. Uye ndinoshuva kuti, kana ndikava nehumwe husiku hwemibvunzo, kana *chimwewo chinhu*, patabhenakeri, chekuti imi mose, kana ndikazvizivisa mangwanani acho, munozondipa mibvunzo iyoyo kuti ndigone—ndigone kuwana nguva shoma yekuinzvera.

²⁰² Sezvamunoziva, inongova isina kugadzirirwa, wobva iwe—iwe watanga kutaura, zvino ndiri munhu mukuru kwazvo pakutora nguva yakawandisa pane chinhu chipi hacho. Uye pano, munocherechedza maitiro angu mukuparidza, ndicho chikonzero ndichigarapo zuva rese, munoonaa, potse, ndinongoparidza kwenguva yakarebesa.

²⁰³ Asi makacherechedza here Billy Graham? Zvino, Billy Graham muparidzi akadzidziswa, uye munhu mukuru. Zvino Billy Graham, anoisa nyaya yake *ipapo* chaipo, anodzoka shure neche *kuno* uye oramba achingorovedzera panyaya iyoyo, oramba achidaro nguva yese. Haambosiya izwi rake richidzikira, zvachose, anongoramba achirovedzera munyaya iyoyo. Maona? Ndiyo nzira iyo Mweya Mutsvene unomuita kuti aparidze, munoonaa, ndiwo maitiro ake ekuzviita nawo, ndiyo nzira yaanozviita nayo.

²⁰⁴ Charles Fuller, vazhinji venyu makamunzwa, murume mutana anoshamisa. Zvino saka, Charlie Fuller akaita semutsananguri weBhaibheri, ari, anofarira ku—kudzidzisa uye neku, mafambisiro aanoita zvinhu, munoziva, nezvose, anongozviisa muna Kristu, zvino mudzidzisi mutana mukuru. Cherechedzai zvaanoita, haaparidze, anongozvidzidzisa.

²⁰⁵ Zvakanaka zvino, kana mukacherechedza, nzira diki iri nyore yandiinayo, ndinoisa musoro wenyaya *kuno*, ungavei zvavo musoro wangu wenyaya, ndinodzokera kumashure-shure *kuno* ndonotora chidzidzo changu, ndouya nacho *kuno* ndozviisa mugwara nemusoro wangu wenyaya, uyezve ndodzoka *kuno* ndotora chimwe chinhu ndouya nacho *kuno* ndochiisa pasi neche *apa*, zvino ndodzokera neche *kuno* ndotora chimwevezhe chinhu, kusvikira ndazviunza zvose zasi *kuno* chaiko, ndobva ndazvirovedzera pane musoro wenyaya, zvese hazvo panguva imwe chete.

²⁰⁶ Ndicho chikonzero ndaiwanzova nemharidzo dzekare diki idzi dzandaimboedza kuparidza, honguka, manga muineni kwenguva refu uye munoziva kuti handisi muparidzi, asi sedziya, *Unotenda Here Izvi, Taura Kudombo, Huyai Muone Mudzimai*, uye nedzose dzakadaro, munoziva, angori mashoko 3 madiki chete. Kungoti, ndaizvivakiridza pane mudzimai wepatsime uye nezvazvaiva, ndobva ndazorova zasi chaiko kwekupedzisira, wozoona, “Huyai Muone Murume! Huyai Muone Murume!” na “Taura Kudombo!” Ndinotora Israeri ndovabudisa kunze, zvino munoonaa, ndowana nyaya yangu, ndoyiisa neche apa mugwara nechidzidzo changu, ndisati ndambosvika pachidzidzo changu.

²⁰⁷ Uye macherechedza nguva yapfuura mukuzvitsanangura, nguva pfupi yapfuura, chinhu chimwe chete, pamuRoma uya ipapo, munoonaa, achiti iye, “Tenda kuna Ishe Jesu Kristu, zvino uchaponeswa.” Munoonaa, ndiwo mubvunzo, uri kushandwa nawo. Munoonaa, ndadzokera, ndikatora zvazvaiva zvose, ndokuzvibuditsa, ndokudzokera, ndokutora Jobho, nevamwe vose, ndozvidhonzeraa neche *kuno* munzira, ndonyatsozvirovedzera, “Ndizvo zvazviri, kutenda, munoonaa, Jobho akashandisa kutenda, muRoma uya akashandisa kutenda, tinorairwa kushandisa kutenda mune zvese.”

²⁰⁸ Munoonaa, kungoti, uye ndinofunga nenzira iyoyo kana ini, mukuzviita nenzira yangu, kana ndikagona kuita kuti vanhu vafarire zvakakwana kuteerera kune zvauri kuedza kuvakira pazviri, zvino wozochengeta chidzidzo chako chikuru pano kuitira nyaya yekupedzisira, wobva wanyatsoirovedzera. Wobva wati, “Oo, zvimwe zvachozvose zvinozaruka,” nekuti, munoonaa, munozviona. Munoonaa, wango, wasvika neche *kuno*, ndokutora tambo isina chayakabata, ndokudhonzeraa iyi mukati; uye—uye dambudzikorazvo nderekuti, ndinosiya tambo dzakawandisa dzisina padzakabata, saka ini, idzo—idzo dzandisingazotora.

²⁰⁹ Zvino, changa chiru chinhu chakanaka kwazvo kuti mose, muuye zasi *kuno*, uye mogara pamwe nekautaura nesu, nezvose, uye ndinozviyemura izvozvo. Uye ndinoda kutaura zvakare, nemoyo wangu wese, ndinorevesa izvi nezvese zviri mandiri: Handina kumbocherechedza chinhu chikuru icho vanhu imi muri kubhadhara. Nda—ndakango, dai zvanga zvisiri zvekukuonai, uye zvisiri zvekukudai, uye nezvinhu zvandinoita,

ndaizoti, "Handisi kuzoparidza, mutabhenakeri iyoyo zvakare," kukuonai mese muchitotyaira 15-, 1,800 mamaera erwendo rwekuenda kunonzwa shumiro imwe.

²¹⁰ Zvino, ndinoyemura kutendeseka kukuru ikoko, asi zvakadaro, ndinofunga pane zvamuri kuita. Maona? Hmm! Uye ndi—ndinongovimba kuna Mwari kuti mumwe nemumwe wenyu muNyika iri mhiri kwerwizi, imi nevana venyu, nevaduku venyu nevose, kuti ndicha—ndichakuonai mhiri ikoko, uye ndine tariro yekuti ndichange ndiriko, ini, ndichivimba kuti ndichaveko.

²¹¹ Zvino munoonaa, mumwe nemumwe wenyu, dai—dai kukasava ne 1 wevana venyu anorasika, kana 1 wenyu anorasika, dai tose tavako paZuva iroro, uye—uye kunyangé kuhanzvadzi yedu duku iri kunze uko, mudzimai mudiki—mudiki wechitema kunze uko, ari kusuka ndiro, kunze uko mu—mune imwe kamuri. Ndi—ndinorangarira zasi kuno rimwe zuva, ndichitaura nemudzimai iyeye, ndinotenda kudaro (Ndiye mudzimai mumwe cheteyo here?), nemurume wake, ndinotenda kuti ndakasangana—ndakasangana naye neche uko imwe nguva, kana kuti kwete, mukomana anokushandirai, aiita sekunge mukomana mudiki wekare akanaka. Ndi—ndinongovimba kuti tese tichasangana ikoko uko isu, hakuzove nekuodzwa moyo, hapasi kuzova nekugara kusvika pakati pehusiku, nekuti hakusi kuzova nehusiku.

²¹² Oo, hama yangu, hanzvadzi, dai ndaingo—dai ndaingogona chero nenzira ipi kutsanangura zvazvaiva mangwanani iwayo, pandainge ndakarara padivi remudzimai wangu mudiki uyo, zvino—zvino Akandisimudza kubva pamubheda iwovo ndokundikwidza kumusoro ikoko, akanditendera kutarisa seri kwechidzitiro.

²¹³ Dai ndaigona chete kuva nesimba zvino rekutsanangura kwamuri kuti zvairatidzika sei uye kuti zvaive chii! Ndakavaona vese ikoko, uye vose vakanga vari vechidiki, uye ini—ini handina kukwanisa kuvaziva. Munoonaa, vose vaiuya kwandiri, uye vachindimbundira nemaoko avo, nezvose, uye vakanga vari—vakanga vari vanhu. Maona? Vakanga vasiri imwe mhando yeminhenga, sekunge, vanoti Ngirozi, handifunge kuti Ngirozi ine minhenga, kunyangé vachingo—vachingotaura kudaro, munoonaa.

²¹⁴ Asi Ngirozi mutumwa; kuti izwi iri rinoreva kuti "mutumwa." Saka, handifunge kuti dzine minhenga nezvimwe zvakadaro. Asi zvinongova kuti, vese vaiveko, uye vese vaifara, uye vakanga vasina, hapaigona kuva nechimwezve chinhu kunze kwekuvara. Uye dai paisava nezvimwe zviri izvozvo, ndaizo... zvaizotibhadhara pakumhanya kwese nezvinhu zvatinoita, uye—uye nezvose zvakadaro.

²¹⁵ Asi ndinoda kuti mu...Ndinoda kutaura izvi, kuti ndinotenda, zvakare, kuti Bhaibheri rakati mumazuva

ekupedzisira pachauya nzara panyika, uye nzara iyoyo haizova yechingwa nemvura, asi yekunzwa Shoko raMwari rechokwadi. Uye vanhu vachamhanya vachibva kumabvazuva, kubva kumadokero, kubva kuchamhembe nekumaodzanyemba, vachitsvaga kunzwa Shoko raMwari, uye tave potse kutongorarama muzuva iroro zvino. Maona? Apo...

²¹⁶ Tisingazvidze ani zvake, munoonaa, ndisingazvidze machechi edu, kwete, changamire, asi kana muchiziva, ndinotenda kuti mumapurupiti emachechi mazhinji aya, tine varume vakanaka, varume vakaisvonaka, varume vechokwadi vaMwari, asi vanotya kuti kana vakataura chimwe chinhu chinopesana nezvinotaurwa nesangano iroro ipapo vanobva vadzingwa, vosiwi pamhene vasina chinhu.

²¹⁷ Uye ndinotenda kuti zviri kudiwa nemurume iyeye hushingi. Uye ndinotenda izvozvo, handiti, ndinotenda kuti Mwari vanoda kutora mumwe munhu uye voita muenzaniso wekuratidza kuti Vachavachengeta, zvisinei nesangano ravo. Saka, ndizvo zvandiri, ndichivimba kuti Vachaita nenii, kundibatsira, kunditendera...

²¹⁸ Uye kana ini, zvino teerera, Makristu, zvikaitika kuti imwe nguva, ndi—ndicha... Ndinokurayira pamberi paMwari ne—neNgirozi dzakasanangurwa, kuti muite, pakaia imwe nguva yamunoona kuti ndiri kuita chimwe chinhu chakaipa, ndapota hamungauyawo here kuzondiudza? Nekuti ndi—ndi—ndinokudai zvakanyanyisa kuti ndizokushayai ikoko, uye ndinoziva kuti muri kuenda, saka ini...huyai mundiudze, kana mukandiona ndiri mune zvakaipa chero nguva, chimwe chinhu chandinoita chisina kunaka, chimwe chinhu chingaisa chigumbuso munzira yenyo.

²¹⁹ Zvino, pane nguva zhinji, yandinouya pano uye ndoseka, nekuita zvinosetsa, ndotaura zvinhu. Chii chandiri kuedza, kuita? Ndiri kuedza kubvisa mamwe manzwiro aya ekusungikana mandiri, munoona. Kungoti, hakusi kuti ndiri kuda kuita izvozvo, munoona, hakusi kuti ndiri kungoda kuseka, kana nekuuya zasi kuno ndigova naHama Welch kuti ndigovanzwa vachitaura chimwe chinhu chiduku pamusoro pe, oo, mukomana mu—mudiki, mukomana wechitema kunze uko, zvino akabata hove, mutariri wemhuka akamubata, akati iye anga achibata zvekuzobatisa kamba yendumvura, uye—uye saizvozvo, chimwe chinhu, munoziva, chakada kudaro.

²²⁰ Uye mudiki, muparidzi mudiki uya paakandiudza... Ndanga ndichivaudza, vasikana vadiki nhasi, nezvezkambwa kadiki ka poodle kachinzi Fefe naFifi, munoona. Uye—uye sekuti, ndiri kuzviitirei izvozvo? Ku—kuseka, kuzviita kuti ndiseke, ku—kuti ndizvidzikise pasi.

²²¹ Paunokwira pamusoro pechiyero chino chevanhu vanofa uchikwira kupinda muzviyero izvozvo uko, ndizvo, zvinokuita

kuti urambe wakavhiringika, munoziva zvandiri kureva. Uye zvakare chingofungai, hezvino izvi, ingofungai, neshumiro iyi, munorangarira zvandiri kufanira kuzopindurira? Kwete Tifton, Georgia chete, kwete Indiana, kwete United States, asi ndinofanira kupindura pamberi pepasi rose, kushumiro yepasi rose. Maona? Ndinofanira kupindura kuvalahedheni, ndinofanira kupindurira vahedheni kuna Mwari, waro, munoona.

²²² Uye kana ndichinge ndigere kumba uye ndofunga, “Zvino, ndinotenda—ndinotenda—ndinotenda...” Serimwe zuva kumusoro uko, uye ndakabatwa neshungu, zvino ndikati, “Ndi—ndi—ndiri kuenderera mberi, kuva nemumwe musangano.” Zvino ndopfuirira, ndova nemumwe musangano, zvino chinhu chekutanga munoziva, ndarukutika zvikuru, ndi—ndinofanira kuenda kunovhima, ndinofanira kuenda kunoredza, ndinofanira kubuda nemumwe munhu, ndi—ndinofanira kuita chimwe chinhu, nekuti ndinongova munhu, angori munhu zvake, munoona, uye izvozvo—ndizvo izvo, munonzwisia izvozvo.

²²³ Asi kana mukambofunga kuti ndiri kubuda mugwara nazvo, huyai mundiudze, ndichazvirega, vakomana, nekukasika chaiko se...zvisinei kuti chii chinoitika. Nekuti ndi—ndinoda kuti munzwisisi, handina zvakavanzika, zvose zvandinoziva, imi munozvizivavo zvakare, munoona. Zvose zvandakaratidzwa naShe, izvo zvaVachanditendera kuti nditaure, ndakazvitaura, uye hapana chandinovanza. Uye—uye hupenu hwangu hwakazaruka, munoziva zvandiri nezvandakagadzirwa nazvo, uye ndiri kungo, ndinoedza kurarama zvimwe chete mazuva ese nepandinogona napo.

²²⁴ Hongu, nguva zhini munondiona pandinenge ndine chinyamusi, uye ndinonzwa zvakashata, nekuneta, nekurukutika, kana zvimwe zvakadaro, honguka, ini, izvozvo zvinofambiranu neshumiro yacho, munoziva, munozviona izvozvo. Imi, kana mukatarisa kumashure nemumapeji enguva, munoona kuti varume vakadaro, vakaita saizvozvo, tese tinozviwana izvozvo. Asi nyaya yacho ndeyekuti, tinoda kuti tinzwisisane.

²²⁵ Ndinocherechedza kuti mune nguva dzenyuwo dzekufara nekuderera zvakare, handisi ndega ndinadzo, munadzowo. Uye kana muri kuva nedzenyu, ndichaedza kunzwisisa; pandinenge ndine dzangu, imi moedzawo kunzwisisa. Uye kana ndiri mhiri kwemakungwa kune imwe nzvimbo, kana kunze kure kumusangano kune imwe nzvimbo, uye madhimoni ari kwesekwese, achiungana achindipikisa nezvimwe zvese, zvinoka, imi mose rangarirai, ingondinamatirai. Muchadaro here? Tingave here neshoko diki kwaVari zvino?

²²⁶ Baba veKudenga, zvanga zvakabwinyiswa kumira pano ndichitaura neboka iri revana ava vakagezwa neRopa. Ndinocherechedza, manheru ano, ndakamira sezvakangoita

Mutsvene Pauro akamira makore mazhinji akapfuura, mumisangano midiki yemumba kwavaiuya. Zvino Pauro akauya kuna Akwira naPrisira, uye—uye kuti vanofanira kunge vakanga, vaunganidza vanhu mukati. Zvino akaenda, kuRoma ndokunoroja muimba, akagamuchirawo avo vaiuyamo.

²²⁷ Uye pano manheru ano, vanhu vanobva, vanouya kutabhenakeri, ne—nevanhu vari, vanotyaira mamaира ose aya, vandanga ndichiedza kuvaudza kuti ndinozviyemura zvakadii. Ishe, handina kana mashoko, andinogona kuvaudza nawo, kuti ndinovayemura zvakadii, asi Baba, ndinonamata kuti Muvaite kuti vazine mumoyo yavo zvandiri kureva.

²²⁸ Uye, Mwari vanodikanwa, kana . . . ndapota, ndinokumbira kuti Mupindure munamato wangu pamusoro pavo. Vaponesei mumwe nemumwe, Ishe, dai pakasava ne 1 wavo anorasika, kana chero imwe yemhuri dzavo inorasika, dai ivo, vose, vange variko.

²²⁹ Ndinonamatira vana vavo vadiki. Ndinofunga mukomana mudiki uyu arere apa pamakumbo ababa vake, uye naamai vake vagere, vakatarisa, uye nokufunga nezvemazuva ari kuuya. Kana kuine ramangwana, ndinozviziva sei kuti mukomana mudiki mumwe chete iyeye haazotakura Evhangeri? Mwari, ndinonamata kuti Muropafadze mukomana mudiki uyu, vamwe vose, vasikana vaduku nevakomana, uye muve navo vese. Ivai neHama naHanzvadzi Evans vazarura imba yavo, imba yekunamatira. Ivai nesu zvino uye mutiregerere zvivi zvedu.

²³⁰ Uye Mwari, kana vakazomborwara uye vachizofanirwa kufona, Mwari, ngandirarame hupenyu hwekuti vachatenda kuti Munondinzwa, uye zvakare ndinzweiwo pandinovanamatira, Ishe, zviitei. Uye inzwai, pavanenge vachindinamatira, nokuti ndinoda minamato yavo, Baba. Uye pese pavanenge vachindinamatira, haMunganzwewo here, Ishe? Pandinenge ndichivanamatira, inzwaiwo, Ishe.

²³¹ Uye pamwe chete tichaKushumirai hupenyu hwedu hwese. Uye muZuva guru iroro, tinotarisira kuuya kuImba yeNyU rimwe zuva. Uye patinogogodza pamusuwo, haMungatipinzewo here mukati, Baba? Kusvika nguva iyoyo, titarireiwo, uye mutiropafadze, uye mutichengete takatendeka nguva dzose, tinokumbira, muZita raJesu. Ameni.

²³² Ndinokutendai zvikuru, vanhu. Uye ndine hurombo nekukuchengetai pano kusvika—kusvika 10:30 potse. Mukomana mudiki akarara apa, akarara semusoja mudiki. Ane makore mangani? . . . ? . . .

²³³ Makadii, Hanzvadzi, handizive kana ndakwazisa ruoko rwenyu pandapinda kana kuti kwete. Zvino, zvinofadza kukuonai zvakare, nemi, Hama Willie.

Fred, ndinofunga uchabuda mangwanani, uchidzokera wakananga kumba. Uri kutora garwe rangu—rangu pakudzokera?

Tokuonai kumba, Hama Wood, Ishe vakuropafadzei.

²³⁴ Imi, Hama Scott, zvakanaka kukuonai zvakare, Hama. Ndinotenda kuti ndakambokuonai kumashure pane imwe nzvimbo, handina here? Ndafunga kuti ndakambokuonai, chiso chenyu ndinochiziva.

²³⁵ Hama Wayne, Ishe vakuropafadzei. Uye ndichiri kufunga kuti ndinofanira kuzadza tangi renyu nepeturu nekuda kwekuuya zasi mamaira 80 kuuya nemushumiri uyu, zvakare. Ropafadzwa, Mwanakomana.

Ropafadzwai, Hanzvadzi. Uye kukudenhai kwangu kwese, ndiri kungodenha. Munozviziva hamudaro here?

²³⁶ Mwari vakuropafadzei, Hanzvadzi Evans. Kwanga kuri kudya kwemangwanani, uye nekudya kwemanheru, kwakanaka chaizvo, nekugamuchira kwenyu vayeni kwakanaka, rangarirai, Jesu akataura izvi: “Sezvamakangoitira ava vadukusa...” Zvino, haAna kumboti, “Sekungoita kwamaitira mukurusa...” Maona? Munoonaa, angave akadaro, angave mumwe munhu, asi “Sekungoita kwamaitira kune mudukusa...” munoonaa, ndimi iyeye, saka mazviita kwandiri.

²³⁷ Zvinofadza kukuonai zvakare, Hanzvadzi. Mwari vave nemi nguva dzose. [Hanzvadzi inoti, “Ndiamai vangu. Ndinodaira kuti munovarangarira.”—Mupepeti] Ini...Oo, ini zvangu. Mungagoti havasi amai venyu nenzira ipi? Makafanana zvikurusa.

²³⁸ Zvinofadza kukuonai, Hanzvadzi. Ndinotenda kuti muri mudzimai we, muchinda wechidiki *uyo*. Uye ndimi Hama Scott. Imi mose muri vakoma nevanin’ina here? Zvakanaka, ndafunga kuti muri vakoma nevanin’ina, chokwadi ndazvifunga. Zvakanaka kukuonai zvakare. Uye rambai makashinga, hama yangu.

Uye kuti, pamwe uyu mutsva uyu, handina kucherechedza musikana uyu apa. Oo, zvino, ndinofara kusangana nemi, Hanzvadzi. Ishe vakuropafadzei.

Zvakanaka kukuonai, Hanzvadzi. Uye ivo vachanakira chimwe chinhu, ingovatorai. Mwari vakuropafadzei, Hama.

Hama Evans, Mwari vave nemi, Vakomana.

Zvino, Mudiwa, kana ukatora vana vedu, zviri nani tichitoenda.

Mwari vakuropafadzei, hama yangu.

²³⁹ Uye, ndinokudzai, tisati taenda, ngatingosimukei netsoka dzedu tiimbe karwiyo kadiki kaya. Mungaimbawo here ndima diki neni, saizvozvo? Zvakanaka here?

Mwari vave nemi kusvika tionanezve!
Nokuraira kwaVo vatungamirire,
nekukuchengetai,

Pamwe nemakawai aVo vakuchengetedzei;
Mwari vave nemi kusvika tionanezve!

Kusvika tionane! kusvika tionane!
Kusvika tionane patsoka dzaJesu;
Kusvika tionane! kusvika tionane!
Mwari vave nemi kusvika tionanezve!

²⁴⁰ Heano maitiro ataisiita kumissangano midiki yeminamato, ngatibatanei maoko mumwe nemumwe, takaita denderedzwa sezvizvi, munoono. Tinoimba karwiyo aka kadiki, toita denderedzwa diki, tova pamwe chete, ndiyo nzira yacho, munoono. Mangobatana mumwe nemumwe nenzira iyoyo, zvino. Ngatiimbei. Munoziva karwiyo kadiki aka here?

Ngachiropafadzwe chisungiso
chinosunganidza

Moyo yedu murudo rweChikristu;
Kuyanana kwepfungwa dzine hukama
Zvakafanana nezviri kumusoro.

Pamberi peChigaro chaBaba vedu chehushe,
Tinodurura minyengetero yedu muhumwe;
Kutya kwedu, tariro dzedu, zvinangwa zvedu
zvimwe chete,

Nyaradzo dzedu nekufunganya kwedu.

Kana toparatzana,
Zvinotipa marwadzo emukati;
Asi ticharamba takabatanidzwa mumoyo,
Uye totarisira kusanganazve.

²⁴¹ Zvino, nemisoro yedu yakakotamiswa, ngatingodzokororai munamato wemuenzaniso iwoyo:

Baba vedu, Vari Kudenga, Zita reNyu
Ngarikudzwe.

Humambo hweNyu ngahuuye. Kuda kweNyu
ngakuitwe panyika, sezvakuri Kudenga.

Tipeiwo nhasi uno kudya kwedu kwamazuva
ose.

Uye mutiregerereiwo pakudarika kwedu,
sekuregerera kwatinoita avo vanotitadzira.

Uye musatipinza pakuyedzwa, asi
mutidzikinure kubva pane zvakaipa;
nekuti Humambo ndehweNyu, nesimba,
nekubwinya, narinhi. Ameni.

²⁴² Mwari vakuropafadzei, mumwe nemumwe, zvino, kusvika tasangana zvakare.

Hama Welch, munoreva kuti munazvo zvose izvozvo patepi
zasi ipapo? Hmm!

²⁴³ Zvakanaka, ndinokushuvirai kuti mose, muuye muende
kuFlorida pamwe nesu. Kana Ishe vachitendera, ndi—

ndinokuudzai zvandiri kuita, ndiri kuedza kuenda nevana kunze, munoona, vari, havana kuzokwanisa kупедзиса zororo ravo, ambuya vavo vakava nekukundika kwemoyo zvino takatozoti tidzoke. Saka nekudaro ndiri kuenda navo kunze kuti vaite sekupedza zororo ravo, nekuti vanofanira kutanga kuchikoro zvakare, manjemanje. Saka ndichavaendesa kune imwe nzvimbo mangwana, zvichida zasi kuSt. Petersburg, kana kumwewo.

²⁴⁴ Ndinofanira kudzoka, zvichida, Svondo isati yasvika. [Hama Evans vanoti, "Vane mamwe madzinde aye zasi uko, ndinofunga, munoziva, mu museum, munoziva, amataura nezvawo nguva pfupi yapfuura."—Mupepeti] Oo? Hongu? Zvakanaka, ndinoda kuendako kunoaona. Ndizvozvo chaizvo. Handisati ndamboenda ku museum zvino. Ndiko ku, kwaive iko here? Ripley's Museum. Uye iri kuSt. Petersburg? Zasi kuSaint, ndinoreva paSt. Augustine, waro.

²⁴⁵ Hongu, ndinoenda kuno uku, uku ndiko kuJacksonville kwandinoenda kutanga, handizvo here? Hongu, kumashure, nekuti ndinoshandura chinhu ichi, wodzokera nenzira *iyi* kuJacksonville, uye zvadaro ndozobuda nemuLa Crosse, munoti, uye ndobuda nenzira iyoyo? Waycross. Uh-huh.

²⁴⁶ [Imwe hama inoti, "Ndatanga kufunga, mabvunza... mataura nezvenyu kuti makaita chadzimira, ko tabhenakeri yakatarisa kupi?"—Mupepeti] Tabhenakeri yakatarisa kumabvazuva nekumadokero. Ndakaivaka... Paunopinda kubva ku—kumberi, munoziva panokwidza na Eighth Street neuku, uri kuenda kumabvazuva chaiko zvino. Maona? Uye zvakare, iyo—iyo... Zvino kana wasimuka... Uye kana ndichiparidza, ndiri kuparidza ndakatarisa kumadokero, uye munoona, zvino, ndinoita izvozvo kuti artari igova kumabvazuva, nekuti Jesu ari kuuya achibva nekumabvazuva. Uye zvakare zvino—zvinonditendera... Artari, tinopfugama nguva dzose kumabvazuva, munoona.

²⁴⁷ Zvino kazhinji, handizive, ndizvo zvandakangogara ndichiita, ndinoona muBhaibheri, ivo, kazhinji kumashure uko, Dhanieri akati akaenda akanovhura mahwindo, munoziva, nezvose zvakadaro, ndokunamata, kumabvazuva.

²⁴⁸ Uye—uye saka, uye ndakacherechedza mutemberi yaMosesi yekare, ndinofunga, yainge yakatarisa kumabvazuva, artari yacho. Uye saka, hongu, Mwari vanokunzwa chero kupi kwaunenge uri, munoona, zvisinei.

²⁴⁹ [Hama inoti, "Handina kumbobvira ndanyatsobata nzira yacho zvakanaka."—Mupepeti] Hongu, changamire. Zvakanaka zvino, ndakaona nguva yandinenge ndakanyatsonamata nezvese, ini—ini handingo—ini handingoite chadzimira, munoona, ndinongouya chete.

²⁵⁰ Asi zvino, kana ndisiri kutarisa, uye chero chimwe chakadaro, ndinongodzika ndoti pindikiti pazviri, ndinongo... Kune 2...nzvimbo 1 yandinoziva nezvayo, yandisingambofa ndanzwisisa, asi zvakadaro ndinoziva kwairi, zvino ndeuko zasi kwaMbuya Cox. Ndinogona kuenda zasi ikoko, uye handitongokwanise kunzwisia mafambiro acho. Uye pachava nechimwe chinhu, chinotaridzika kwandiri sekunge, chichaitika ikoko rimwe zuva. Ndinoenda nepagedhi iri chaipo, uye iro, rinongova kumaodzanyemba chaiko sezvaringava, ndichitsaukira kurudyi rwangu, asi harisi, munoonaa, harisi, zvakatopesana zvachose. Maona? Zvino ndi—ndinongo...

²⁵¹ Uye kana ndikapinda musango, zvino, sekuti ndarasika kana *chimwewo chinhu*, uyezve kana ndikaita, chadzimira, zvino, kana ndikatadza kudzikama, zvinoka, ini—ini handikwanise kuzviita, munoonaa, asi kana ndikangomira kwemaminetsi mashoma ndoti, “Baba vari Kudenga, ndibatsireiwo.” Zvino, hama, ndinongogona kungo, kukuratidzai nzira yacho iyoyo, zvingori nyore, ndizvozvo.

²⁵² Imwe nguva pandakabuda, ikoko neHama Wood naHanzvadzi Wood, taibuda muChattanooga, zvino Hama Wood vaise vachityaira, ndinofungidzira muna 41, tichitodzokera. Saka, nda—ndainge ndakaneta kwazvo, ooo, ndainge ndaneta kwazvo, zvino ndakangozvambarara zvangu pasi kumashure, mushure meshumiro, ndokuzvambarara kumashure ikoko ndokukotsira, kumashure kwemota. Ndakazopepuka mushure mechinguva ndokumuka, ndikati...Mhute? waisakwanisa kuona ruoko rwako pamberi pako. Ini ndikati, “Heyi, Hama Wood, muri kuenda kusiko.”

Vakati... Munoonaa, ndakanga ndichangobva mumusangano uya. Zvino vakati, vakati, “Oo, kwete,” vakati, “Ndiri kuenda, ini,” vakati, “Ndiri kufamba muna 41.”

Ndikati, “Asi muri—muri kuenda kumaodzanyembaka.”

Uye vakati, “Zvino, mungaziva sei mumhute yakadai? Munoonaa, haugone kana kuona nzira yacho.”

Ndikati, “Asi muri—muri... Ndinogona kukuudzai zvino kuti muri kuenda... muri—muri kuenda kumaodzanyemba.”

Vakati, “Kwete, kwete. Honai apo, i 41 iyo.”

Ndakati, “Asi handizvo.”

²⁵³ Zvino, takatyaira kachinhambwe kadiki, ivo ndokuramba vachiita nharo neni kuti vaise vari mugwara, vachingoti, “Ndinotori muna 41 chaimo, ndakananga kuMemphis.”

Ini ndikati, “Imi chingotarisai.” Zvino patakapinda munzvimbo inodirirwa peturu, zvino ndakati, “Tasara nepakadii kusvika ku Memphis?”

Vakati, "Munotofanirwa kudzokera kwamabva, Vakomana, muri muGeorgia." Akati, "Dzokerai nenzira *iyi*." Saka, taizoenda chaiko...Hongu, changamire.

[Imwe hama inotaura kuna Hama Branham—Mupepeti] Hongu, changamire? Hongu, changamire. Hongu, changamire. Zvino, kana ukasacherechedza...

²⁵⁴ Uye ndinorangarira imwe nguva, ndakanga ndarasika kumusoro mumakomo uko, uye ipapo ndipo panda—ndakafunga kuti ndakanga ndiri munhu wemumasango chaiye kuti ndirasike, asi ndakanyatsorasika zvechokwadi. Zvino mudzimai wangu aiva nenii, uye Billy Paul aiva mwana mudiki.

²⁵⁵ Zvino ivo, ndakavasiya, ndikaenda—ndikaenda kunovhima chitsere, munoona, zvino ndakanga ndichivhima chitsere, zvino nda—zvino ndakasangana nemukono wemhembwe wakakura mhiri ikoko. Ndakapfura mhembwe *iyi*, zvino ndakafunga, "Zvinoka, regai ndidzokere." Uye ndinoziva kuti ndaizoburuka, ndaiva kumusoro kumakomo e Adirondacks, zvino ndakakwira mugomo *sezvizvi*, uye ini...chimwe chinhu chakayambuka mugwagwa, zvino yaiva—yaiva shumba yemumakomo, zvino yakangoisa nzeve dzayo kumashure. Uye iyo, isati ya... ndasimudza pfuni yangu nekukasika kuti ndipfure, yakabva yatiza, munoona.

²⁵⁶ Zvino Meda akanga asati ambova musango muhupenyu hwake, munoona. Uye, saka, yaive nguva iya yekusasana kwevakachata, munoona. Zvino ndakaita tsoro yakanaka ipapo, munoona, panguva imwe chete yandakaroora, zvino ndaigona, munoziva, ndakamutora kunosasana kwedu ndokuenda kunovhima nguva imwe cheteyo, munoona.

²⁵⁷ Saka—saka—saka ini, nda—ndakafunga, "Asika zvino, zvino ndafamba sei?" Imi, zvino ndakwidza nenzira *iyi*, ndokukomuka ndichidzika, ndokuenda mhiri, ndokusangana nechidziro, ndokudzika zasi nemukanzvimbio kadiki, ndakaziva kuti ndakanga ndiri zasi ndakananga ku Giants kune imwe nzvimbo, kwakananga kudivi rekuCanada, asi handina kuziva kuti yaiva papi chaipo.

²⁵⁸ Zvino kwakauya dutu, pakarepo, munoziva, matutu aya echando. Uye, oo, mhute yakanga yakadzikira kwazvo, waisatombokwanisa kana kuona ruoko rwako pamberi pako. Uye ndipo apo iwe, munyika idzodzo, itogara hako pasi kana usingazive pauri, nekuti unofira ipapo chaipo, munoona. Uye chingoenda unoziwanira nzvimbo, uye wohwandamo, wowana chimwe chinhu chekudya, uye womirira kwezuva 1 kana 2 kusvika dutu racho rapera, zvino wozobuda hako woona pauri.

²⁵⁹ Saka, handina kukwanisa kuhwanda, Meda aive musango, uye asati ambova musango kumashure, mukamba kadiki keparutivi, kasina kana gonhi pakari, kaingova, munoziva, kaiva kamba kadiki keparutivi, saizvozvo. Saka, ndini uyo

ndakanga ndiri muchinhango ichocho. Uye oo, ini zvangu! Ndakasvika, ndakananga, ndakatanga kukwidza chaiko sevizvi, ndikafunga, "Zvino, ndakomuka ndichikwidza neapa pane imwe nzvimbo." Ndakadzoka chaipo pandaive ndapfura mhembwe. Ndakafamba ndichienda zvakare, zvino ndikati, "Ndinofanira kuwana nzira yangu yekubuda muno, mudzimai wangu nemwana vangafira musango." Maona?

²⁶⁰ Kwakanga kwotanga kutonhora, uye mhute iya—iya ichirova, yaizova mazaya echando munguva diki-diki, munoona. Zvino ndakatangidza zvakare, uye ndikadzoka pane mhembwe iya zvakare, ndakazviita ka 3. Zvino, ndakaziva ipapo... Ndakati, "Zvino, ndi—ndiri kuenda... Ndi—ndiri kune imwe nzvimbo..."

²⁶¹ Munoona, zvino muIndia anokudana kuti "chadzimira cherufu," uri panzvimbo yaka bani, uye uri kufamba uchitenderera, uchitenderera mumadenderedzwa, munoona. Zvino, nekambasi, haungaite izvozvo, munoona, asi uri kufamba uchitenderera mudenderedzwa, muIndia anozvidana kuti, "uri muchadzimira cherufu." Maona? Nekuti unongotanga kungopatarika ipapo, ndipo pavanasika njere dzavo uye votanga kumhanya, vachizhambatata, nezvimwe zvese, kusvikira pakupedzisira vanowira kumawere, kana chimwe chinhu vobva vauraiwa, kana kuzviuraya pachavo.

²⁶² Uye zvakare, ndi—ndinorangarira kuti ndakati, "Manjeka, ndiri kuzongofamba ndakati nhwaa chaiko. Ndi—ndi—ndinofanira kuwana..." Zvino ndakaita sekuvhiringidzika, uye ndakafunga kuti, "Gara pasi. Handitika, iwe fuza rekare, unoziwa kuti hauna kurasika, iwe—iwe haugone kurasika, unoona," uye ndakaramba ndichitaura kudaro. Zvino izvozvo, munoona zva—zvakanga zvisitomboripo. Kana paine chimwe chinhu chisipo, haugone kuzvinyengedza, unoziwa. Sezvakangoita... Zvino saka, ndakati, "Zvinoka, handina kurasika, ndinonyatsoziva pandiri chaipo, chokwadi, ndanyatsouya nenzira *iyi*. Ndizvozvo chaizvo." Ndichienda zvangu ndichitaura ndega saizvozvo, munoziva, uye ndichingodikitira zvakanyanya.

²⁶³ Zvino, dai ndakanga ndiri ndega, ndaingoenda pane imwewo nzvimbo, ndonohwanda pane kamwe kanzvimbo kadiki, ndomirira kusvikira dutu rapera, zvichida kwezuva rimwe kana 2, asi zvainge zvakakanaka, ndodambura hangu chimedu chemhembwe yangu ndosiyana nayo, munoona. Asi hawaigona kuzviita, nemudzimai ari musango, uye asina kumbobvira ava musango. Handiti, vaizofa husiku ihwohwo, havaizoziva kuti vanozvichengetedza sei musango, munoona.

²⁶⁴ Saka, ndakafunga... Ndaingofamba zvangu ipapo zvino ndakanza Chimwe chinhu chichiti, "Ndini Ishe, Rubatsiro runogara ruripo munguva chaiyo yedambudziko."

Ndakangoramba ndichifamba, ndakafunga, "Zvino, ndava kuvhiringidzika," munoona, "Ndiri kufunga kuti ndiri kunzwa zvinhu." Izvi zvaingova, tichangoroorana, makore 20 akapfuura. Ndakangoramba ndichienda saizvozvo, uye Rikati, "Ndini Ishe, Rubatsiro runogara ruripo munguva chaiyo yedambudziko." Zvino Rakataura izvozvo ka 3 kana ka 4.

²⁶⁵ Uye mushure mechinguva, ndakamira, ndikafunga kuti "Pamwe ndarasika njere, kana kuti Mwari Samasimba vandinzwira tsitsi."

²⁶⁶ Zvino ndakangopfugama ndokugadzika pfuti yangu pasi, ndikati, "Mwari, ndinoreurura kuti ndarasika," munoona, ndikati, "Nda—ndarasika. Uye iMi... Handimbofi... Handingambogone kubuda muno ne... Ndanga ndichifunga kuti ndiri munhu wemasango chaiye zvekusamborasika, asi," ndakati, "ndabatwa nechadzimira zvachose, hapana nzira," ndatovhiringika kare, munoona, "saka hapana nzira zvachose yekuti ndimbowana nzira yangu yekubuda. Uye ini—ini handikodzere kurarama, Changamire, asi mudzimai wangu nemwana vanokodzera." Maona? "Saka, ndibatsireiwo kuti ndisvike kwavari, kuitira kuti varege kufira musango." Ndakati, "Handikodzere kurarama, asi ivo vanokodzera." Uye—uye ndakati, "Kana Mukangondibatsira, ndichaKutendai zvikuru."

²⁶⁷ Ndakasimuka, ndikati, "Zvino, ndicharingisa huso hwangu uku chaiko, uye ndinoziva kuti ndakananga uko kwandasinya Meda navamwe." Asi ini...?...ndaitoenda kuCanada chaiko, munoona, muchadzimira cherufu, munoona, kutonopinda muCanada chaimo.

²⁶⁸ Zvino ndakatanga sezvizvi, uye pakare ipapo, ndakanzwa Chimwe chinhu chakangodai [Hama Branham vanorova chimwe chinhu—Mupepeti], ruoko, ndakafunga, "Ndiani iYeye?" Uye ndakatarisa kumusoro, nenguva chaiyo yakakwana kutarisa kumashure, uye pakasuduruka mhute yakakwana, kusvika ndaona nhongonya yeGomo reHurricane, zvino vainge vari pamusasa muzasi meGomo reHurricane.

²⁶⁹ Saka, ndakabva ndangomira ipapo ndokuchema semwana mucheche, ndichirumbidza Mwari, munoziva, nekundibatsira. Zvino, ndakabva ndatobuda nenzira iyoyo, zvino kwakabva kwandisvibira, uye—uye mhembwe nezvimwe zvichisvetuka pamberi pangu. Asi ndakanga ndisina... Zvino mushure mekunge kwasviba... Ndinoziva kuti mutariri wemhuka pamwe nen... kubva paimba yemuchengeti wemhuka uyu iri ipapo chaipo pedyo nekamba keparutivi aka, asi yainge yakakiyiwa. Uye saka, aya—aya mamaira 25 kubva paimba iri pedyosa kubva ipapo uchidzika, munoona. Uyezve poita kumusoro kuno mugomo, pano pedyo nemba yemuchengeti, uye zvakare tichienda tichikwidza pashongwe, kumusoro panhongonya huru

kumusoro uko, zvino, ndakaziva kuti ndanga ndiri panhongonya pane imwe nzvimbo.

²⁷⁰ Asi makomo iwayo mamaira mazhinji, akawanda, kwazvo akapoterera, munoziva, mamaira 30, 40, 50, kupoteredza gomo ipapo. Uye saka ndakafunga, "Zvino, kana ndikangokwanisa kubata waya iya inouya ichidzika neche zasi uko." Iye nenitakaiisira kufona, munoziva, takairovera pamiti, zvino inodzikaza si kuenda panzvimbos yake, vobva vaitumira kubva—kubva—kubva pashongwe, munoziva, kudzika kunzvimbos huru yacho. Zvino akanga achiuya mumazuva mashoma kuzovhima chitsere nenit.

²⁷¹ Zvino kwakabva kwasviba, zvino ndaisakwanisa kuona, munoziva. Uye iko, kwakasviba zvakadaro, kwakasviba mumaminitsi angangoita 30, 40, uye nguva dzaiange dziri zvingaite 2 kana 3 o'clock masikati. Asi ndakasimudza ruoko rwangu sezvizvi, uye ndaifamba, uye ndaingoibata... ndobata pfuti yangu muruoko *urwu* ndofamba, munoziva. Uye ndaiziva kuti waya iyoyo yainge iri mudenga zvakada *kudai*, pataiikomerera pamiti nzira yose.

²⁷² Ndakafunga, "Dai ndaingokwanisa kubata waya iya!" Zvino ndaibata bazi *saizvozvo*, munoziva, uye ndakafunga kuti, "Aha! Kwete, ibazi remuti," munoonaa, ndichaedza zvakare. Zvino pandakachinja, uye ruoko rwangu rwaizosvika pakurwadza, ndakarwusimudza kwenguva refu, ndaichinja ndoisa pfuti yangu *apa* ndodzokera kumashure nhanho dzinoverengeka, munoziva, kuti ndive nechokwadi chekuti handina kuidarika, munoonaa, ndichiva pedyo, uye *saizvozvo*.

²⁷³ Zvino, hama, ndichifamba, uye kwaita rima dema-dema, munoziva, uye ndainge ndichifamba ingangoita awa murima imomo, zvino ruoko rwangu rwakarova waya iya, ndikainzwa. Zvino, ndakangokotamisa musoro wangu ndokutanga kuchema, munoziva, uye ndakafunga, "Ishe, kumagumo chaiko kwetambo iyi kune mudzimai wangu nezvose vakamirira." Maona? Ndakafunga, "Ndizvozvo." Zvino ndakamira ipapo ndokutsikitsira musoro wangu pasi ndikaVatenda nekuda kwazvo. Ndakafunga, "Hongu, Ishe, ndine ruoko rwangu mune rweNy, magetsi ari kufamba, waya, uye chaiko kwakaperera tambo iyi, yandakabata zvino mumoyo mangu, kune zvese zvakandikoshera," munoonaa, "vadikani vangu vese, Ishe wangu, Muponesi waNgu, vose vari pamoyo pangu vari kwakaperera tambo iyi." Saka, handairega ruoko rwangu rwuchibva patambo iyoyo, ndakatevera tambo iyoyo kudzika zasi chaiko negomo.

²⁷⁴ Kunyange zvazvo paiva nekadiki—kadiki kaigu... kanzira kemhuka kasina kwakanonyatsoenda ipapo, kataizokwidza nako, munoziva, asi ndaisavimba nako, ndakangobata tambo. Pandairova muti, ndainyenyeredza muti, ndoibata zvakare, ndoenda pamuti unotevera, ndobva ndaibata ndichichienda

ndichidzika zasi, anenge mamaira 3 kudzika mugomo, zvino ndakasvika zasi ikoko, uye Meda akatopotsa oita seabatwa nemamhepo, munoziva, kungova, mukumanikidzwa kwacho. Asi ndizvozvo. Maona? Hapana chinhu, hapana manzwiro, akaita sekurasika. Ko kurasika, kurasika musango, asi ko kurasika kubva kuna Mwari?

²⁷⁵ Zvino, Meda? Huya, Mudiwa, Hama Welch vanofanira kuenda kubasa, uye Banks nevamwe vangangoda kutanga mambakwedza, uye nedzimwe hama dzose idzi dzichada kuenda kubasa, uye hanzvadzi dzedu dzinofanira ku—kuti vana vanyatsogeza uye... [Imwe hama inoti, “Tanakidzwa chaizvo nazvo.”—Mupepeti] Maita henyu. Maita henyu. Kana manakidzwa kusvika pahafu yezvandaita, kutaura nemi, zvanga zvakaisvonaka.

²⁷⁶ Hama Welch, maita henyu nenguva yakanaka iya masikati ano, zvakare, yatanga tiri kunze uko ne, vachindiendesa kunze uko kune aya, iwo machakwi emakarwe kunze uko.

Hanzvadzi, imi mose, ndinokutendai zvechokwadi nekudyka kwemanheru kwakanaka uku.

[Imwe hama inoti, “Maita henyu, nekudzika kuno nekuva nesu, zvakare.”—Mupepeti] Oo, ini zvangu!

²⁷⁷ Mune musikana mudiki here umo zvakare? Ane bvudzi rakanakisisa, ndacherechedza kuti anga akarukwa, bvudzi rakada kuita reyero chaiyo, rinoratidzika segoridhe, raka—rakanaka chaizvo.

²⁷⁸ Ndinoda kutaura pamusoro pebvudzi renyu zvakare, Hanzvadzi. Ndinoziva kuti riri nani. Ndinotenda kuti maimbova nebvudzi pfupi, manga musina here? Rakaita sekudzika kusvika pamapfudzi enyu, rakaita serakagerwa kana *zvakadaro*, kana kuti makadaro? [Hanzvadzi inopindura—Mupepeti] Hongu. Ini... Hongu. Ini... Zvino, rinotaridzika zvakanaka kwazvo zvino, munooona.

²⁷⁹ Ndanga ndichicherechedza aya, madzimai ose ari pano, vane vhudzi ravo refu nezvose, zvinoratidzika sekunge, oo, vaigona kunge vakanaka neimwe nzira seimwewo, munoziva, vaine bvudzi pfupi kana risiri, asi rinongoratidzika *kudaro*, munoziva, munoziva zvandiri kureva. Chete, pamwe angori hake ini, asi...

Hoyo musikana mudiki uya. Anoti nyarei zvishoma, handitika?

Ndingamutakura here, Mudiwa? [Hanzvadzi Meda vanotaura kuna Hama Branham—Mupepeti] Ari kupi? Oo. Kwete.

²⁸⁰ Mamunzwa here achindiudza? Mazvibata here? Ati tinofanira kumirira Becky kuti auyé, asi ati, “Handisi kureva kuti unofanira kuenda *apo* zvino wotanga kuparidza zvakare.”

²⁸¹ Musikana mudiki uyo haanawo here bvudzi rakanaka zvakare, Mudiwa? Katsvarakadenga chaiko nehudzi rako rakasungwa kugotsi rakarembera zasi ipapo zvakare, kane vhudzi dzvuku uye...

²⁸² Munoziva, ndichabuda ndione kana iya yekare, ndiite kuti Cadillac iya yekare imu ke kana ndikakwanisa, Hama Welch. Uye ndicha, ndiregererei kwechinguvana, uye ndione kana ndikakwanisa, dzimwe nguva inombokosora zvishoma uye nekuhukura, munoziva, zvakare...?... 

61-0808 Imba Yako
Musangano Wemunba
Tifton, Georgia U.S.A.

SHONA

©2024 VGR, ALL RIGHTS RESERVED

VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Chiziviso chekodzero

Kodzero dzose dzakachengetedza. Bhuku iri rinokwanisa kudhindhwapapirinda yekumba kuti ushandise uri iwe pachako kana kugovera kunze, usingatengesi, semudziyo wekuparadzira Evhangeri yaJesu Kristu. Bhuku iri harigoni kutengeswa, kudhindhwakawanda, kuiswa pawebhusaiti, kana kuwana mumuchina waringachengeterwa, kuturikirwa mune mimwe mitauro, kana kushandiswa kukumbira mari pasina mvumo yakanyorwa nevekuVoice Of God Recordings®.

Kuwana umwe umboo kana zvimbewo zviripo zvingawanikwa, tapota nyorerai:

**VOICE OF GOD RECORDINGS, ZIMBABWE OFFICE
8 ST. ANNES ROAD, AVONDALE, HARARE, ZIMBABWE**

**VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.**

www.branham.org